


HEPELEU, KAPETULU

WAMUCHITATU

 Chimene chamwaza, masepa. Chinapu lisesa lyakupwa hano chimene chino mukutanganga cha Mwata. Kaha etu tuli nakutalilila ha kufwelela lwola lwalunene.

² Ngwapwile kaha kunyima muze . . . chuma etu twapwilenga kuvulua vakakuzata muliuka ufwishi, muze vakakukopa vali jino, kaha apwile nakuhanjika na vupu lya pwevo wakalemesa kaha naye kunyima kuze, kufuma ku Joliet, Illinois. Kaha Ngwapwanga kaha nakushinganyeka chuma muka chinapu chihanda cha likoji lya Kalunga uze kanyike wapwevo. Etu vavavulu tunajinguluka hano twamwijiva. Ikiye napu—napu mukakunwa wala, umwe hali vase vakakuutala. Kaha Kangwapwile na mujimbu wahatoma kuli yamiko palanga chimene chino, omu ikiye afumanga kukamenga. Ou Mwata alisolwele kuli ikiye vyosena vize vyahengele kaha chumamuka nachiya nakusoloka. Kaha ikiye ayile kukamenga, nakulila na kuwahilila mwomwo Kalunga amulwilile kufuma mu—mu chimbumbwe chakunwa. Kaha ikiye . . . Umwe pwevo wakalemesa atambukile nakuya kuli ikiye kaha aputukile kulila, nge mwanenyi wapwevo, Ngwafwelela mukiko chapwile, apwile ummwe wakunwa lyamba. Kaha munatachikiza, ha likoji lya Kalunga, uze kanyike wapwevo vamuvulukile (Ngwafwelela, apwile ufuku ukwavo, Rosella, mukiko vamusanyikile?), kaha uze kanyike wapwevo, kufuma kukunwa lyamba, vamuhindwile. Kaha ikiye na lunga lyenyi vali nakunangula Mujimbu wamwaza. Kaha—kaha—kaha kumona kanyike wapwevo wakalemesa wamundende nge Rosella, kaha kupwa wakuzama! Kaha jino ikiye, mukalemesa vene, ikiye akwechi . . . kwivwa kusanyika mukachi ka muchima wenyi. Oloze, hakutachikiza Mbimbiliya hali mapwevo vakakunangula, talenu, ikiye atachikiza nge chuma cheka. Kaha Kalunga ali nakumutwaminyina mujele na vyuma vimwe, kuhana unjiho.

³ Echi chili kaha chamwaza ku—ku—kutachikiza, kutonda mwaya muchima wa Kalunga. Lwola lumwe etu tukwechi kwivwa, oloze etu twatondo kutwalilaho kwivwa chize muvihela; kachi enu kamute kutala kanawa, liyavolo mwaya nakufumisa kwivwa na kuchichongonona kuchingisa muchumachimwe. Oloze kachi etu natutwama mu Mbimbiliya, kahajino etu tuli vakwoloka, mwamono, etu tuli nakutambuka hamwe na pungu ya Mwata.

4 Kaha shikaho Ngwafwelela nge—nge Rosella mwaya vene nakukwalumukila kumishonali mumande kumwe, mwomwo America katondele Mujimbu wamwazako.

Munatachikiza ngachize. Etu tunahase kupwa kaha nawa vakulihana, nge, va vathu Anglo-saxon vanakumu. Mukiko kaha. Kakweshi cheka Mujimbu wamwazako uze va America navaya nakutambula. Mamalelo, enu namuya nakulipika chindende, jino kaha jinonyi. Oloze, kupwa kaha Mujimbu wamwaza, unahichi. Kaha enu kamweshi kuhasa numba kunangula kuli vakiko, kamweshi kuhasa kuhanjika kuli vakikoko. Vakiko kaveshi kuhasa kufwelela chumako. Talenu? Vakiko vakwechi vishinganyeka vyavo vyangolo, kaha vakiko vatwamine.

Kaha chuma na chikashisaho kuli lifuchi lino shina kusopesa. Ikiye mwakaya nakupwa nacho, nawa. Chihase kuhichila mukunyowa. Echi chinahase kuhita mbomu yayinene. Yinahase kuhita nakuneha ukalu waunene, musongo mokomoko chumachimwe, oloze, ikiye ali wakulizanga. Echi chili nakwiza. Kapapa sauzande navaya nakuholoka.

5 Etu twahichile, zau, Ndumbu walunga Zabel na Yami, na . . . na Ndumbu walunga Wood, kwiza nakushikumuka kufuna ku Kentucky, kuze etu twapwilenga makumbi atatu, kaha kuhita kumwe vapwile nakutunga zuvo. Ndumbu walunga Zabel ambile ngwenyi, “Haze kayeshi hoko . . .” Ngwavwulyamine. “Keshi chikuma hali vaze vathuko, muli chize kutunga, chize chakuya kula liuka.”

6 Enu munahase kuvahula vakiko hali echi. “Chamwaza, etu tukwechi kupwa na chisaji chamivwimbimbi. Omu mukiko etu tunawane chakuvendejeka.” Talenu? Evi vikiko vilinga vya America. Talenu? “Etu tukwechi chisaji chamivwimbimbi. Etu tukwechi mali akulisala. Etu tukwechi jimota jambwende, tukwechi mazuvo ambwende. Chuma etu twatondo na Mwata? Etu katwazangile Chizeko.” Echi chikiko kujina.

7 Pamo hakulifukula kaha na ulwilo etu tuli nawo, kaha zangi, mukachi ka vathu vene vamukomoka kalunga. Munatachikiza, eyi Mbimbiliya yahanjika nge nachiya nakusoloka. [Chikungulwilo ngwacho, “Amena.”—Muka.] Huhuu. Enu vaka Mbimbiliya tangenu, Ngwewwile kutambakana “Amena,” kaha enu mukakunangula kunyima okwo. Echi, echi chakwoloka. Nge zangi nayikaya nakupwa hahasuku, mumakumbi akumakumishilo; kakweshi kupwa zangi chekako, mwaya nakupwa mukachi ka vathu va Kusakula cha vathu ja Kalunga. “Nge tata kufumbukila mama, kaha mama kufumbukila tata, kaha vana kufumbukila visemi, kaha vakuhandunuka kuli umwe namukwavo.” Kaha zangi kaha nayikasalako, kuli kaha vaze Vakusakula, kuli kaha Vakusakula.

Eli lizu “Vakusakula” lyafuma mu lizu “vaze Vanasakula,” vathu vakusakula va Kalunga.

⁸ Kaha omwo Rosella apwile nakutanga mujimbu kuli yami mukapete, hanyima tuhu, Ngwapwile nakushinganyeka, nge, haufuku uze, ikiye ahanjikile chumachimwe chasolokele. Kaha omu ngachize, ambile ngwenyi, kuhita mwosena muchiyoyelo, omwo ikiye atela, kupwa kaha muchipango cha wala, keshi, kuhona Chiyoyelo Chawala, mandotolo vawana vahonene, kakweshi chuma chakulingako, kaha omu, kufuma hazevene, chumachimwe chasolokele.

⁹ J ino ikiye kapwile na meso akufuvako. Ikiye apwile wakuzangiwa, wamwaza pwevo wamukweze wa mummyaka yakuzemuka seti seli, kaha nahambakana pamo twende tu; omu alingile Kalunga hali ikiye chuma muka Ikiye alingile, kaha nomu ikiye nasoloka mwakuhandunuka. Kaha, oloze Ngwambile ngwami, “Rosella, shimbu kanda chikuku cha kaye, Kalunga atongwele luzu lwola.” Eyo, mwane. Talenu? Chakwoloka. Kaha omwo wamundende Billy Paul kunyima kuze, ikiye ali kulihi, apwanga nakushika nakuhana makati akulombelela kuli vathu uze ufuku, ikiye katachikijile na hiya apwile nakuhana kati yakulombela.

Echi kacheshi chamwazako, Rosella?

[Ndumbu wapwevo Rosella Griffith ambile ngwenyi, “Ndumbu walunga Branham, Ngwalikomokela kachi liuka vanahase kulomba nge Kalunga mwaya nakutwaminyina etu, omu Ikiye apwile wangolo.”—Muka.]

Amena. Ou Mwata akukisule, Rosella. Yami ngwakunyuka etu natuya nakulinga echi. Ikiye natondo liuka kulomba nge Kalunga mwaya twamina yenyi. Chize, kukavangiza livoko Lyenyi lyakuzeneka kwalumuka. Mamalelo, echi chinapu chamwaza.

¹⁰ Apwile na chuma chachikalu kumeso ami, chimene chino. Echi chili pamo, lwola lwaluvulu lwola lwaluvulu mujimiliyoni jajivulu chize atondele kuneha hano mu Louisville, Kentucky, kaha kuvatungila mbalaka ya faifi miliyoni yamandola. Oloze chumachimwe mwishi mukachi ka muchima wami kuhanjika, “Kwachilila, enu kamweshi pashita.” Talenu? Shikaho, jino, faifi miliyoni yamandola ya mali aze apwile akutela. Jino etu twatela kuya kufulumende, kufwetela wala na vyuma vya ngachize, oloze natondo kuhaka ha mbalaka ya Mwata. Oloze Ngwatalilila nge nachiya kuli ngamba ya Kalunga ize nayiya. . . kaha kutanga chimwe kuli Kalunga. Oloze, aze mamiliyoni yamandola faifi miliyoni yayilemu jino. Shinganyeka hali chize, mbalaka kana ize nayihasa.

Talenu omu chinasoloka kuwaha, Rosella? Oloze kuli chuma chimwe mwishi *hano* chize kuhanjika chakuhandunuka. Talenu? Talenu? Chumachimwe kwiza *hano*.

¹¹ Etu tuneza muli eyi yayindende, mbalaka yamwaka, enu vangeji. Chamwaza, echi chinahase kupwa chihela chachivulu hano halifumbila jila, enu munahono kutachikiza echi, nge vathu vanatondo kutunga echi chihela na kuchilingisa. Oloze eyi ikiko jila etu tunatondo chize. Talenu, eyi ikiko jila etu nge echi. Vitwamo vyamwaka etu twatwamanga kuze, apwile—vize vitwamo vyamwaka kulovoka mumbalaka hano, ayile nakuhita mulivaji na kuhungumuka.

¹² Mbimbiliya Yami kupwa hokusokolola nge *ngachize* haze hakamenga. Vayipapalila mufulumba na kukinduluka hamavu na eli Lizu ha Ikiko, “Yami Mwata ngwatumbile echi. Nanguya nakutukumwina likumbi na ufuku kakweshi umwe mwavavunya kufuma mulivoko Lyami ko.” Omu etu twatambukile kuhita helu na kukakama, *hano*. Kaha ikiye kwiza nakukinduluka hamavu, vitwamo kutambuka kukinduluka kuvihela vyavo. Vyosena vakiko vatela kulinga shina kukosa nakutwalilaho. Talenu? Talenu? Shikaho eyi ikiko kaha jila etu nge ngana, kuli vathu vakuhashiwa chikuma, chihela chamwaza, kaha Mwata wamwaza. Amena.

¹³ Jino, lelo, etu tukwechi vimwe, etu tuli kaha na kuputuka kuhita nakutambakana, munatachikiza, hanyima ya—ya mavele anafumu, kaha mateka. Kaha anuka, chinatondeka mavele kufuma kumateka, munatachikiza. Aze—aze mateka apwa akutunga na mavele.

¹⁴ Shikaho etu tunapunga mu 1, 2, kaha etu tuli kumakumishilo mu 3, kaha kuputukila mu kapetulu 4 wa Mukanda wa upahu wa Hepelewu. Kaha, mamalelo, kunangula cha ou Mukanda! Etu tunahase kutwama na Echi, ha vasi yimwe, tukweji vatatu, kaha kusolola Mbimbiliya yosena yeji kutukashila mukala vasi muze mu Mbimbiliya. Mwashinganyeka lyehi ngachize? Kakweshi numba vethu munahase kuhaka munwe wove, oloze chumamuka, na likoji na kukafwa cha Shipilitu Wajila, nge etu tunahase kukasa Kuputuka nak Kusoloka mukachi muli Echi.

¹⁵ Kakweshi chihanda chikwavo chajisona chakusoneka kumwe chinahase kulinga ngachizeko. Kaha nge mumakumi, kaha kutala vyatengeso, mukala jila, kakweshi Mukanda mu Mbimbiliya vasonekele nge Mbimbiliya...Kakweshi mukanda muno mu kaye, Ngwatwale mu, wakusoneka nge Mbimbiliya. Kakweshi chumako. Sonekeso yamu Mbimbiliya yapwa yakukupuka kupwa mumwe; kupwa kaha tupetulu, kaha hamakanyiko, kaha vyumavyosena, uli wakukupuka. Keshi mukanda ukwavoko; enu kamwahashile kuhasa kutangako kapetulu kulovoka chakuzeneka kuhita kunyima. Oloze kakweshi numba kulusu yimwe yili mu Mbimbiliya yosena ko. Kaha wapwile wakusoneka kuli vathu vavavulu, vavavulu, vavavulu; kaha jihandulendi, kaha jihandulendi, kaha jihandulendi myaka yakuhandunuka, kuhona kutachikiza chihanda chimwe...Umwe asonekele Echi *hano*, kaha umwe

achisonekele Echi *hano*, kaha umwe achisonekele Echi *hano*. Omwo Vachitungile vosena hamwe, Vachitungile Mbimbiliya ya Kalunga. Kaha chakuzeneka umwe kulimbalaka umwe naukwavo, kaha, keshi, keshi makumiko, kutanga tengeso. Kala chuma cheka mu Mbimbiliya, vyuma vyosena, kutanga, vyuma vyosena vili nakuzata hamwe. Chize kacheshi kuhizumukako, Ngunahono kutachikiza, chuma muka enu namukavuluka kuhizumuka? Ngunawahilila chikuma kukukisula, Mbimbiliya ya mwaka.

¹⁶ Vamwe vavo ngwavo, “Ove uli muka Katolika? Vakakulikanga?”

Ngwambile ngwami, “Chipwe umwe. Ngwafwelela eyi Mbimbiliya.” Echi chakwoloka. Ngwafwelela eyi Mbimbiliya, kaha Ngunawahilila etu kupwa na kukasunuka kunangula Echi muli lino lifuchi. Mamalelo, Echi chinapu chamwaza.

¹⁷ Jino etu natuya nakulinangula kufuma Echi. Kaha jino etu natuya nakwalumuka mu Mukanda wa Hepelewu na kuputuka na kapetulu 3. Kaha etu twafumine ha vasi 15. Kaha jino enu vosena . . .

¹⁸ Ngwamwene muthumwe kotalisa, shimbu kaha chindende, omwo Ngwambachile mangilashi akutangisa. Echi kacheshi nge meso ami ali vavapi, oloze Nguli myaka fwote. Ngunahase kutanga echi, *hano* vene, mujila yimwe, oloze Ngunahase kutanga na vivanjilo. Kaha vakiko vangunungilile vivanjilo vyakutangisa vize Ngwatondo kuzachisa, mwomwo ngunahase kutangisa kanawa kaha nawa washiwashi. Kaha omu mukiko Ngwawatwalile. Jino mu . . .

¹⁹ Chatete, etu twatondo chikuku chindende, mwomwo kuli vamwe vangeji mukachi ketu, vaze vanahono kutachikiza chihanda chatete cha Mukanda wa Hepeleu.

²⁰ Ove yove Pwevo lya Cox, unatwame haze vene kusongo? Chamwaza, Ngunapu wakukunyuka kumumona ikiye. Shimbu kanda Nguputuke, kupwa na unjiho walikoji wa Kalunga. Hano hakiko hapwilenga pwevo na kansa na kulya meso eyi. Uze apwile naye ya Ndumbu wapwevo Wood. Kaha Ngwapwile mu Michigan na Gene na Leo, kaha vakiko, kumbata kukopa. Kaha mujila yakuya kwimbo, pwevo anguvulukile, mokomoko Ngwamusanyikile. Ikiye ambile ngwenyi, “Yako kumalombo hazevene hali naye ya Pwevo lya Cox, Pwevo lya Wood, ha kansa ili nakuyila kumeso eyi.” Yinali kusali ya liso nakushikumuka muchifuwa, kushikumuka nakusali ya liso, kaha kwijila kulimwanga. Ndotolo umwe kulinga chumachimwe chikwavo kuli echi, kupwa jino kuswezesa, kaha kulimwanga; kuhakaho vitumbo vimwe.

²¹ Kaha vakiko vamunehela kufuma ku Campbellsville, Kentucky, kuze ku . . . mokomoko, Ngwafwelela, Acton, Kentucky, kutwala ku—ku Louisville, kupwa mukukiwa.

²² Kaha shikaho Pwevo Iya. Wood, Iwola Iwatete Ngwamumwene ikiye nge ikiye apwile wakusanyuka. Mwomwo, mukiko vene, ikiye—ikiye—mama yenyi, kaha punduvene ikiye mwaya na kwivwa kanawa. Ayile nakwingila mukapete na kumulebelela ikiye, na lufwelelo luze Kalunga ahanjikile Ikiye mwaya nakukumbulula. Kaha makumbi amandende, ikiye alovokelemo. Kaha ikiye atwamine jino. Na likoiji lyakukomwesa, omu Ikiye alingile hali ikiye.

²³ Enu munahase kwimana? Kangwazangile kumilingisa ku—ku—kupwa mulikungumbuwa... Kulihiye, kulihiye vamwene kansa? Ha—ha kusali yameso, talenu kuze, muze *kuze* kusali ya meso eyi, kushikumuka nakujinguluka *hano*, kumakili eyi, kujinguluka nakuliso Iyenyi. Kaha Kalunga amuhindwile ikiye. Keshi Ikiye wamwazako?

²⁴ Vangahi vali hano Chalumingo chinahichi kumona chuma muka Mwata alingile ha chimweno? Malunga, vosena kupwa nakalepa na kapuputa, kutwama muno chitwamo chakalikoki. Kaha chumachimwe cheji kungukolesa yami omwo uze kashinakaji natwame haze ngwenyi, “Ndumbu walunga Branham...” Ngwafwelela echi chapwilenga ndumbu walunga hano vene. Ngwenyi, “Linga chochimwe na pwevo Iyami.” Ikiye akwechi pwevo hano ou napu kalepa. Muchima wami uli kaha wakuhungumwisa. Ngunafwila... Nanguya nakuhana chuma chimwe muno mukaye kachi Nanguhasa, oloze keshi... kanda kupwa mujingolo jami. Oloze echi cheji kuhaka ngolo jami na ngolo jove, jakulombelela nge Kalunga mwaya nakuchilinga. Ikiye akwechi pwevo wakalepa, livoko lyakalepa, lihinji Iya kalepa, nge kusoloka. Kaha ou lunga apwile hahasuku chikuma kuhambakana ikiye, mwomwo ikiye nahase kwimana na kutambuka chindende, oloze uze lunga keshi kuhasa kulinga ngachize. Kaha ikiye... Uze wongo, mushisa uvene wakwimishisa. Mayos, naveka vavavulu veka, amuhanyine. Kaha Katolika amutumine ikiye hano, ndotolo wa Katolika; kaha mukweze wenyi walunga napu kapilishitu wamu Saint Meinrad muze mu Jasper, Indiana. Oloze chize chapwile kwala chikuku cha malolwa chakuhizumuka chize chili nakwiza, kushikumuka kuze.

²⁵ Kaha omwo ikiye akatukile, ikiye ngwenyi, “Oloze Kangweshi...” Ikiye atalile, ngwenyi, “Eyo, Nanguhasa.” Ikiye ashinganyekele nge keshi kuhasa kumonako, munatachikiza. Kaha ikiye atalile kwilu, kaha asolokele kukatula mutwe wenyi, kaha kuze ikiye ahashilenga kutambuka na kumona; kutambuka nakuya kuze, kuli Iyavene. Kaha vakiko vapwilenga va Pulishiteliyani. Ikiye apwilenga wakuzama. Kaha kuhanjika... Enu mwashinganyeka nge ka Pendekosita mokomoko vathu Vakujila vanahase kutambakana; enu mwasawisa. Vakiko vanahase nakutambakana omwo vakiko kumona chumachimwe nge kusoloka; kusukama muthu himuthu na kutambakana.

Kutambakana hazevene hajindalo, kushinjika chitwamo chakalikoki; kutambuka, na mushishisa wakwimikisa kufuma kumutwe. Shinganyeka hali echi. Kutambuka nge enu mokomoko Nanguya nakutambuka. Mamalelo, Ikiye ali wamwaza.

²⁶ Jino, Paulu asonekele Mukanda wa Hepelewu. Kaha kusoneka eyi Hepelewu, ikiye kusoneka Echi. Kaha shimbu kanda ikiye kusoneka eyi Mikanda, etu twawane. . . Jino, etu tuli nakuya. . . Eyi yinapu shikola ya Chalumingo, kaha Nanguya nakweseka kutala kaha kuhona kushimbulako. Kaha jino etu natuya nakupwa na kutanga, ha kuvatwalilaho ufukuuno, nge Mwata netava. Jino, mu Mukanda wa Hepelewu na vosena kupwa Mikanda wa Paulu. . .

²⁷ Hiya apwile Paulu? Ikiye apwile na kulila cha Hepeleu, mukakulinagula, kaha mulongeshi wamunene wa mu Tesitamende ya Mwaka. Kaha ikiye vanamunangula kuli umwe muthu wamwaza wa likumbi lyenyi. Muthumwe kungulweka lijina lyenyi lika lyapwile. Gamaliel, umwe milongeshi umwe walikumbi lyenyi. Kaha Paulu atwamine hamahinji ava Gamaliel.

²⁸ Kuli chumachimwe ha. . . kuze muya, liuka muka ove weji kuyanga, kaha mulongeshi muka eji kukunangulanga. Enu munatachikiza echi? Echi—echi chikwechi chumachimwe kuli echi. Shikaho etu twatela kutonda chuma chivene chamwaza etu nakuwana, shikaho tuli nakupwa vyamwaza; keshi mwomwo chinapu chakulikata na vyangocho, oloze Mbimbiliya yivene kunangula.

²⁹ Tala, lwola lumwe omwo Isalele ayile mupambo na maswalale javo, kaha vakiko vapwile na likumbi lyamuchivali, kaha vakiko vafumishile meya. Kaha vakiko vapwilenga nakuya nakunonga, vakiko ngwavo, “Mamalelo, kachi kuze kwapwile kapolofweto hakamwihi!”

³⁰ Kaha umwe wavo ambile ngwenyi, “Etu tuli hano, Elisha. Ikiye ali nakuhingunuka meya mumavoko a Elija.” Talenu vaze valihata navo? Mujila ikwavo, “Hano hali Elisha uze alinungile na Elija. Eli Lizu lya Mwata lili na ikiye.” Enu munachivwishisa? Ikiye vanamunangula kanawa. Kaha ikiye ngwenyi, “Ikiye ali hano. Echa tuyenu na kumuhule ikiye, mwomwo muka mulongeshi apwile Elija, kaha ikiye apwile nakunangula cha Elija muli ikiye.” Talenu chihandwa muka nachipwa? Punduvene. Etu twatondo kunangula.

³¹ Shikaho, Paulu apwile na kunangula cha Gamaliel. Kaha Gamaliel apwile uze lunga wamunene uze atungile kusakula, kupwa mukakutanga lyavene, nge omwo vyosena vya kutwalilaho kuputuka cha liuka, ikiye ambile ngwenyi, “Echa tuhake mavoko hali echi, vandumbwami. Kachi echi kacheshi cha Kalunga ko, echi na chikeza kuliwavisa, kala mwosena

omwo. Oloze kachi echi chili Kalunga, kaha etu natuzungisa chize, etu natuya nakuwana etu vavene kuzunga na Kalunga.” Talenu, ikiye apwile nakunangula chamwaza.

³² Paulu ejile mwishi ya ou muthu, kaha ikiye atachikijile nge Paulu apwile mulongeshi wamunene. Shikaho, likumbi limwe, wakushishika mumuchima, kweseka Liuka, kuya kuze nakuvakasa.

³³ Jino echa tumbate kaha mukwavo chindende kufuma kuli Paulu, nge etu natupwa na chikuku chetu.

³⁴ Omwo Yuta aholokele, hakuzombojoka jishimbi, ha zangi ya mali na kulivwimbi cha chiyoyelo, ikiye aholokele nakufuma kuli likoji na kuya kuchihela chenyi. Kaha tumbaji vambile ngwavo, “Kwatela kupwa twolufu.” Kaha lize liuka, naulemu wosena, kukulwekesa liuka lyapwa lika; na ulemu wosena kaha na ngolo josena, unapu lika jimiliyoni ya jimailosi jajihi, omu chili chamwaza. Vakiko vambile ngwavo, “Etu twatela kutala, umwe hakachi ketu, uze mwaya nakumbata chihela.” Kaha vakiko vasakwile, ha kulipechela, Matthias. Matthias, Ngwafwelela, mokomoko Matthias. Matthias, Ngwafwelela mukiko vene. Kaha lwolalwosena vakiko vamusakwile na kumuhaka ikiye hamwe na likumi navavali, nalikumi naumwe, yalingishile kupwa likumi navavali, ikiye kahashile kulinga chuma chimweko. Echi chikiko kaha lwola lijina lyenyi valivulukile mu Visoneka. Lize lyapwile kusakula cha liuka.

³⁵ Jino, vakiko vashinganyekele, “Ikiye ali mukweze walunga.” Kukakasana chauchi. “Ikiye apwa muthu wamwaza. Ikiye apwa mukakulinagula. Ikiye wautongwe. Ikiye ali wakutanga. Ikiye ali muthu wamwaza. Ikiye mwakaya nakumbata chihela cha Yuta na kupwa umwe wetu.”

³⁶ Oloze, munatachikiza, Kalunga lwola lumwe kulingisa vamwe . . . kukushinganyeka chetu, kusakula chimwe chauleya. Jino, Kalunga kumona ka Yuleya wakuhenga muzulu, kupwa kaha wakuzala na matoto nge kupwa, nakanwa kakuhenga, “Nanguya nakushikumuka, arness wosena muli vakiko. Nanguya—Nanguya nakuvambila mukamenga. Nanguya nakulinga *echi*.” Echi chikiko kusakula cha Kalunga.

Vosena muli vakiko kupwa mukakutanga na vakafulumende. Chize chapwile kusakula chaliuka.

³⁷ Talenu, enu munahono kutachikiza hiya uze ali kukamenga. Ove unahono kutachikiza hiya ali muli ove nakwambulula, muze mujele mokomoko kala mwosena chili. Chinahase kusoloka nge mukuzunga najikonyi, matwitwi eyi kuhokokanga, meso kufuma, kaha oloze enu munahono kutachikiza echi. Enu kamweshi kaha kulipechela, muze mukiko kaha, muhanenu Lizu. Kalunga ikiye eji kusakulanga.

³⁸ Kaha Kalunga kusakula uze ka Yuleya wamatoto, mokomoko kumusakula ikiye, nawa. Mujila yenyi yakuya, “Nanguya nakushikumuka na kuvambata. Nanguya—Nanguya nakuvalwekesa chumamuka Nguli nakulinga ngachize,” kaha Kalunga amuvetele hamavu.

Kalunga ambile ngwenyi, “Echi chinapu kusakula Chami, haze vene.”

³⁹ Echi kacheshi kupwa chileya, kuliuka? “Mwomwoika, ikiye ambachile liuka. Ikiye muthu wa chisemwa.” Oloze Kalunga atachikijile chuma muka chapwile mukachi ka muthu. Talenu omu Ngwatwale?

⁴⁰ Shikaho, Paulu apwile na kuhitamo lyehi. Vangahi vafwelela mwakukindulukila? Punduvene. Kachi kacheshi ngochoko, Ngunahase kukakasana kwalumuka. Kwalumuka kuneha kutachikiza. Kaha enu kamweshi kuhasa kupwa na chuma chimweko jino. Lwolumwe chinahase kupwa nakutambakana. Lwolumwe chinahase kuhanjika na malimi. Lwolumwe lunahase kulila. Lwolumwe chinahase kulyonyinga. Ove unahono kutachikiza chumamuka chili, shikaho kanda kweseka kulipechelako. Mwomwo, enu vosena munenjikiza kupwa cha kuhenga muchikiko, enu va Mesondisiti, kaha enu va Mbaputishiti, kaha enu va Nazaleni, kaha va Pendekosita.

⁴¹ Ngunamono vathu kutambakana chikuma nge vakiko omu vahashile, kaha kwiva ulu kufuma mulizo lyove, kachi vanahase. Eyo, mwane. Ngwamwene vathu kuhanjika na malimi nge ali nakulava kumalambu a ngombe, kaha—kaha wakushishika kukuwaha, na kutafunya makanya kusali yakanwa, kaha kuvatula muliu kachi vakiko vanahase. Chize chakwoloka. Shikaho vyuma kana kavyeshi. . . Kakweshi numba chinjikizo chize enu munahase kwinjikiza, kuvangila ha kuyoya cha viyoyelo vyavathu. “Ha mihako yavo, enu namukavejiva.”

⁴² Shikaho, chilika kaha kuli Kalunga. Ikiye eji kusakulanga. Ikiye anehele vyuma hamwe, kaha mukiko chili. Shikaho kachi chiyoyelo chove nachipwa chakusemukila na mihako ya Mbimbiliya, ove ukwechi kwivwushisa chamwaza. Kachi shipilitu yove nayineha unjiho na Shipilitu Yenyi, nge enu muli vana vamaalunga na vamaapwevo va Kalunga, enu muli. . . Vyosena vyavipi vyamwaka kufuma, kaha vyumavimwe vineza nakupwa vyavihya, kaha enu muli nakuyoyela muzangi, kaha enu mukwechi kuunda, kaha likoji, na vyangocho, enu muli vakupandama ku Wangana jino. Mwomwo, chize Kuyoya chize chili muli enu muhako watela kupwa na kuyoya. Talenu?

⁴³ Kachi ove muhanjika ngwavo, “Mamalelo, haleluya, Ngwahanjikile na malimi. Haleluya!” Chize kacheshi chumako. Chize kacheshi nakulumbununa nge chili chindende kuhambakana kachi ove ukwechi hano nakwimba chimwe ha guitar mokomoko chumachimwe. Echi kachalumbunukile

chuma chimwe ko. Chipwethuhu ove wahanjikile na malimi, chipwe ove watambakayine, kaha kutumbuka helu nahamavu ajipili, kaha kulila na masoji nge uli nakutuununa sapola, chize kacheshi chuma chimweko, keshi chuma chimweko, kuvangila kuyoya chahakumbi hakumbi nachinjikiza vene, kutwama na Echi.

44 Jino, kachi enu namulinga vyuma kana, kuhakilaha chiyoyelo, “amena,” echi, echi chili chamwaza. Echi chamwaza. Oloze enu munahase kulinga vyuma kana chakuzeneka kupwa na chiyoyelo.

45 Shikaho jino, kakwechi kutambakana, kakweshi chuma nge chinjikizo. Yesu ambile ngwenyi, “Ha mihako yavo, enu namukavatachikiza vakiko.” Kaha mihako ya Shipilitu keshi kuhanjika na malimi ko. Uze kaweshi muhako wa Shipilitu ko. Kutambakana kacheshi mihako ya Shipilitu ko. Kulila kacheshi mihako ya Shipilitu ko. Oloze, zangi, kuwahilila, kuunda, kuvandamina chikoki, kuwaha, kalemesa, lufwelelo, kuvova, kutetela, eyi ikiko mihako ya Shipilitu. Talenu? Eyi ikiko mihako ya Shipilitu yapwa. Chosena chakwoloka.

46 Jino, mulonga etu natupwa na vyuma kana, vakiko nge kutunga mazavu, mwamono. “Chamwaza, etu natuya nakupwa nacho. Kisula Kalunga, vosena vafwelela mujila *etu* twejikulinganga, etu natuya *eyi* jila. Vosena vanafwelela nge *etu* natulinga, etu natuya *eyi* jila.” Oloze Kalunga atonda vosena kuya *Eyi* jila, helu.

47 Jino, Paulu, hanyima ikiye apwile na kuhitamo lyehi, kahajino ikiye ashinganyekele nge chize chapwile kuhitamo lyehi. Jino, omu. . . Echa—echa—echa etu tutange echi kuhitamo chindende. Paulu apwile mujila yakuya ku Ndamashiku, akakase vathu vamwe kuze, mwomwo Mujimbu wamwaza walimwangile kuze. *Mujimbu* wamwaza kulumununa “mijimbu yamwaza.” Kaha shikaho vakiko vanalimwanga kuze, kaha vathu vavavulu vapwile kukatuka, wakuzala na zangi, na kuwahilila, na zangi ya Mwata Yesu. Kaha Vaunehela mujila kana. Shikaho, Paulu ambachile mikanda yimwe kufuma kuli kapilishitu wakulitulaho. Ikiye ambile ngwenyi, “Nanguya nakushikumuka, kaha Nanguya nakukasa vosena, vosena.”

48 Shikaho ambachile lizavu lya vakakumulama, vakakulama vamutembele, maswalale, ashikumukile mujila nakuya. Shimbu vakiko vapwile nakufwola nakuya mujila, kaha ikiye vosena kutachikiza chuma muka ikiye mwaya nakulinga, kukasumuka kaha, chumachimwe chasolokele. Kukasumuka kaha, kuze kuli Kumunyika chachinene kumeso eyi, Kumunyika chachinene. Jino, Chamunyikile nge likumbi. Echi chinapu chuma chaungeji kusoloka. Chize Kumunyika chamunyikile chikuma kupwa kaha, meso eyi ajimine, puchi. Kaha aholokele hamavu. Kaha ikiye—ikiye kusavala hamavu, kaha ikiye atalile kwilu.

49 Kuze kwapwilenga pamo teni mokomoko fifitini malunga na ikiye. Kuliko vamwe vase malunga navamona chize Kumunyika? Nduma, mwane. Paulu Achimwene. Kavachitungile vakiko Kuchimonako. Shikaho, vathu vamwe vanahase kumona vyuma vimwe, oloze, veka chiku. Talenu? Shikaho, Paulu amwene chize Kumunyika, chikuma kuheta nahaseteko yakumulingisa kupwa kapuputa. Ikiye kahashile kumonako, ha makumbi amwe, Echi chapwile muchano kuli ikiye. Kaha ikiye kahashile kumona hamwe. . .

Kufuma haze, omwo ikiye asonekelenga mikanda meso eyi amuyanjishilenga chikuma kufuma haze, palanga ikiye asonekele jisona jajinene. Ikiye ngwenyi, “Kumona nge Ngwasoneka lyehi kuli enu na jisona jajinene.” Ikiye kahashile kumonako kanawako.

50 Ikiye apwilenga mujele, kaha ikiye amulombeke Mwata kumuka ikiye. Kaha ikiye amulombeke Ikiye kapapa katatu. Oloze chuma muka Mwata ahanjikile? “Likoji Lyami linatemo, Paulu.”

51 Paulu ngwenyi, “Kahajino Nanguya Nakukutohwesa kukola chami.” Mwomwo, ikiye ngwenyi, “Kuvangila Navanguzezula helu lya kuvula cha Kusoloka, vanguhanyine muluwa wa liyavolo, mungonga mumujimba, uze wapwilenga kungunyinyisa.” Ikiye pamo mwapwa kanawa tando yayindende, kaha jino mwaya cheka.

Kunyinyisa kulumbununa “koni hanyima ya koni cheka.” Nge mbopolo hakalungalwiji, munatachikiza, nge makanya kuuveta, talenu, koni ha koni.

Kaha ikiye mwaya, ikiye pamo mwevwa kanawa, kaha jino mwapwa nacho; jino kupwa kanawa, mwapwa nacho. Ikiye ambile ngwenyi, “Mwata, ukalu ulihalihhi, Ove kanda kumbata echi kufuma muli yami?”

52 Ikiye ambile ngwenyi, “Likoji lyami linatemo, Paulu. Twalilaho.” Naliya nakukulama. . .

53 Ikiye ambile ngwenyi, “Jino, kachi—kachi Ngwapwanga wakukupuka, kaha vyuma vyosena vya kukupuka,” ngwenyi, “kahajino omwo Ngwayile lika, mamalelo, Ngulinakutumbuka na kuhanjika, ‘Mwamono, kakweshi chuma chakuhenga na yami. Mwata eji kunguzakaminanga yami, ndumbu walunga. Haleluya!’” Jino ove uli nakupwa nakwoloka.

54 Kalunga atela kukuhana chumachimwe, kamwe halwola, chakukulingisa kupwa wakulikehesa chindende, munatachikiza. Echi chakwoloka. Enu mwatela kutachikiza nge Ikiye Mukulwane. Mamalelo, kumana Ikiye keshi wamwazako? Eyo, mwane, upahu kaha!

55 Shikaho ikiye, Paulu, kahajino, mwomwoika, hanyima ya kupwa na echi kutachikiza chachinene. . .

56 Jino, kachi echi chinapu mthuumwe lelo, vakiko kachi vahanjikile, “Mamalelo, kisula Kalunga, haleluya. Kanyike walunga, Mwata nalingi chumachimwe hali yami! Upahu kuli Kalunga!” Oloze keshi Paulu ko; ikiye apwilenga wakulinangula Mbimbiliya.

57 Chize kutachikiza vatela kupwa hamwe na Lizu lya Kalunga. Eyo, mwane. Kachi echi kacheshi hamweko mu Mbimbiliya. . . Kanda kutala *hano* ko, kuhanjika, “Mamalelo, eyo, hano vene. Kisula Kalunga, Ngukwechi Echi.” Huu-hu. Ize keshi jila Kalunga eji kuhana Echi.

58 Chatela kupwa Mbimbiliya josena, vyosena Evi. Mwomwo, enu munahase. . . Mukashili kuzachisa Mbimbiliya kupwa hakulipikila nakuhanjika. Oloze vakiko navaya nakumbata Chisoneka *hano*, kufukununa hano na kumbata yeka yayindende *hano*, kweseka kujilingisa kupwa hamwe, kaha kupwa mitwe yivali yakuhandunuka, kupwa hamwe. Shikaho, enu mwatela kulingisa Chisoneka kupezelesa na Chisoneka.

59 Nge Isaya ambile ngwenyi, kapetulu 28, “Chatela kupwa wakuhaka mumukana, mumukana wakusali; hano chindende, kuze chindende.” “Kwachilila kulichize chamwaza.” Talenu, kuli jila Yejile: mumukana wakulombelela, Lizu ha Lizu, Chisoneka hali Chisoneka. Yatele vyosena kupwa hamwe. Ou ukiko mulonga, Ngwashingtonyeka, mukulinangula chachindende nge etu tuli nawo jino, chinapu chuma chachinene kuliuka, mwomwo yili nakuneha vakiko kuchihela chize Visoneka kwiza nakupwa hamwe. Kaha kutachikiza chetu chatela kukasa hamwe na chize Chisoneka. Mamalelo, hano hakiko chili! Kachi kacheshi kuhasako, kahajino echi chakuhenga.

60 Kaha omu Ngwatambukile na myaka, kuhona kutachikiza chize Kumunyika chapwile hali Paulu kuze. Omwo, kuweluka wa kaye, Visoneka. . . Ava vathu, vakakunangula veji kungulweza yami, “Chize chinapu liyavolo. Mwomwoika, ove muya nakupwa mukakutahisa. Ove muya nakupwa mukakuhula mashipilitu. Kanda kuhulama na Chizeko, Billy. Chuma chimwe chakuhenga na Chize. Kanda ove kulinga ngochoko, kanyike walunga. Chize chakuhenga. Uze napu liyavolo. Chamwaza, kanyike walunga, ove muya nakupwa wahakachi. Ove muya nakupwa mukakuhula mashipilitu kachi ove mulinga ngachize. Mamalelo, vyosena vya liyavolo. Echi—echi kacheshi chakwolokako.” Oloze omwo. . . Kangwatondele kunangula chizeko.

61 Oloze nge omu mujila yakuya ku Ndamashiku, Paulu katondele kunangulako, palanga nomu awanyine nge lyapwile lya kwoloka mokomoko nduma. Shikaho ikiye ayile nakushikumuka mu Arabia hamyaka yitatu, na kulinangula Chisoneka. Ha! Omwo ikiye ejile nakulovoka, ikiye ngwenyi, “Jino ngunyikisa kufuma kuli yami.”

⁶² Ikiye atachikijile nge atela kuli va Fwaliseu. Ikiye atelele kumeso a Sanduke. Ikiye atelele kumeso aka kaye, na Vakamafuchi eka na eka. Kaha shikaho Paulu, eyi Mbimbiliya vayisoneka lyehi, ou Mukanda wa Hepelewu, wa kusoneka eyi pungu. Ikiye ali nakuchikima vaze Hepelewu, kaha kumbata chize Tesitamende Yamwaka kaha kusolola Echi hano mu Tesitamende Yayihya. “Ou napu Kalunga,” ikiye ngwenyi, “hano Echi chili, ha—ha tupolofweto vosena na vyuma vyosena.” Chaputukile kunyima kuze kumaputukilo, kapetulu 1 etu twapwilenga, “Mwomwo Kalunga mulwola lwakushikulu, kunyima chikuma mulwola lwa mwaka, mujila jakuhandunuka handunuka, kuhanjika kuli vakakuluka kuhichila muli tupolofweto.” Omu mukiko Kalunga anehele mujimbu Wenyi, kweseka na Ulime Tumime. “Oloze muli lino likumbi linahanjika kuli etu kuhichila muli Mwa Nenyi, Kulishitu Yesu,” kweseka ha Mbimbiliya Yenyi. Yenu haze.

⁶³ Shikaho echi kuhitamo lyehi cha kaye kuhanjika, “Mamalelo, echi chinapu muwongo. Mwomwoika, naumwe pimbi...” Omwo uze Kangelo kulisolola, nge Kumunyika kuze kukalwiji, omwo Ngwanangwile kuhizumuka chami chatete hano hambango, etu twajimikile vosena vaze vathu... Ngwafwelela, Ndumbu walunga Fleeman, ove pamo wapwanga mu... Ngwahono kutachikiza nge ove wapwanga kuno mokomoko nduma. Vangahi vapwanga hano omwo va—omwo chize Kumunyika chasolokele hakalwiji? Kuliko vamwe vamwaka hano? Eyo, vamwe. Omwo Echi, kuze kukalwiji.

⁶⁴ Kaha vakiko ngwavo, “Chize chapwile kaha kuhona kumwenesa kanawa.” Etu vavavulu twemanyine, kutala hali Echi, kaha hano Echi nachiza. Kaha jino omu mwahichile myaka, Kalunga enjikijile Echi na meso alikina lya camera. Ou unapu muchano.

⁶⁵ “Chamwaza, chili—chili vamwe vava fwakitoli, chili chuma chimwe chize—chize...” Nduma, mwane. Etu tuli nakuchihanjika hano vene mu Mbimbiliya na kukulwekesa enu. Ali youmwe Mwata Yesu. Ikiye eji kulinga chuma chochimwe. Vilinga vyenyi vinapu vyovimwe. Ngolo jenyi jojimwe.

⁶⁶ Tala, Chalumingo chinahichi, hano. Kuze, kusavala ha kahela kami, kanda lyehi ngumone muthu muchiyoyelo chami. Lovokamo kaha ambile ngwenyi, “Kuli muthu wa mbalaka, kaha ikiye ali nawele, ukwechi mutwe wajikambu jilava, kupwa na wele. Ikiye ali kapuputa, kaha ikiye keshi kuhasa kutambukako. Ikiye ali muchitwamo chakalikoki. Lunga wajikambu jilava amutumine; ndotolo, Ndotolo Ackerman, lunga wajikambu jilava, lunga Mukakatolika. Atumine uze lunga, natwame hano vene *kuze*. Kaha MUKIKO MWANAMBE MWATA,” kukatuka, kutambuka na kumona chenyi na vyuma vyosena. Chuma muka echi? Hano hakiko hali Kangelo youmwe. Youmwe Umwe avetele Paulu hamavu, mujila yakuya ku Ndamashiku, ayoya mu

Liuka Lyenyi na vathu Jenyi lelo. Echi chinapu Chisoneka cha kupezelesa na Chisoneka. Omu mukiko chatela kupwa.

Mamalelo, etu tunapu *salusalu*. Etu tuli nakwingila muli chize, hanyima chindende.

⁶⁷ Mamalelo, etu tukwechi chuma chakujiminyina kumeso etu, kachi etu natupwa nacho muli echi, lelo na ufukuuno. Jino chinaputuka kaha jino kwingila mukujiminyina mumeya. Muze ove. . .

⁶⁸ Munatachikiza, omwo Ngwapwile kanyike walunga, Ngwapwilenga na kupwa na chijiva chachindende chakunyima, kaha Nanguya kuze. Kaha etu vosena vana vavandende natuya nakwingilamo, vanyike chikuma; vavandende, pamo va myaka sikisi, seveni yakusemuka. Kaha etu. . . Aze meya ali pamo *nge* akukunama. Kawapwile chuma chekako shina mwakusanyina ngulu. Kaha Ngwapwile na chimbokishi cha sopo. Ngwawashile kusolola Nguhase kulimbilamo; kukwata hamazulu ami, kaha kulimwangila, kuya nge *ngachize*. Kaha lijimo lyami lyalindende kuveta mundambo, munatachikiza, kaha chatukile kaha nakuya. Ngwamulwekele tata yami nge Ngunahase kuhala.

⁶⁹ Ikiye angutwalile likumbi limwe kunyima. Ikiye ambile ngwenyi, “Ngwatondo kukumona kuhala.” Kutumbukilamo, munatachikiza; kuzula uvwalo wami, kakandende nge livava lya mbimba; kaha kwingilamo, kuliveta ha meya. Ngwaputukile kulimwangilawo, ndambo kulimwanga kwosena. Kaha kawa apwile natwame musenge. Ikiye atwamine na kutala ha minyutu yayindende. Ambile Ngwenyi, “Fuma muli uze wina wa meya, kaha lisanyise ove lyavane, na kuya kwimbo.” Talenu?

⁷⁰ Chamwaza, eyi ikiko kaha jila, etu vamwe tweji kuvulukanga kupwa Vakakulishitu. Etu kukalava mundambo. Echi chakwoloka. Kushimbulamo nakukakachilamo, “Yami ngu Mesondisiti. Yami ngumuka Pendekosita. Yami ngumuka Pulishiteliyani. Ngukwechi chinjikizo; Ngukwechi Echi.” Ove uli nakukalava.

⁷¹ Likumbi limwe Ngwapwile na natwami. Ngwatwalileho kumulweka. . . Ikiye apwile pamo na myaka fifiteni, sikisiteni yakusemuka. Etu twapwile kukalwiji. Ngwambile ngwami, “Nathu Lark, Ngunahase kuhala.” Kaha Ngwatwamine kuze kuyima ya wato, munatachikiza, ngwevwile kanawa kaha wakukingiwa. Ikiye ambachile kaha chilapo nakungushinjika, muze mwapwile meya akukunama. Muze jino mwapwile mwakuhandnunuka; kusapwile chosena, chapwile kutetumuka, chize mwevwa lyehi muchiyoyelo chenu.

⁷² Likumbi limwe enu namufuma, enu mwatela kutachikiza oho muli nakwimana. Eyo, mwane. Kachi munatachikiza Ikiye, ove muya nakupwa. . . Chamwaza kumwijiva Ikiye. Echi chakwoloka.

Oloze jino etu natuya nakwingila mumeya, nakwingila mumeya, muze nachikulingisa ove kujiminyina kachi ove—kachi ove kaweshi kanawako, wakununa Mukakulishitu.

⁷³ Talisenu eli Lizu. Paulu, chatete awanyine chize. Ikiye akindulukile mu Kushika Chamwaka, kaha ikiye awanyine echi. Ikiye amwene chize kuhitamo lyehi, mukikovene. “Jino chumamuka Chize changuvetele hamavu?”

⁷⁴ Chapwile Kumunyika, Kumunyika chachinene kwimana kuze, kumunyika nge musana, kwimana kulutwe lwa meso eyi. Ikiye ngwenyi, “Saulu, Saulu, ika uli Nakunguyanjishila?”

⁷⁵ Ikiye ambile ngwenyi, “Mwata, Ove yove Hiya Nguli nakuyanjisa?”

⁷⁶ Ikiye ngwenyi, “Yami Yesu.”

⁷⁷ “Ngwashinganyekele Ikiye apwile nge—nge lunga, akwechi livoko lyakuvwisa woma, chize veji kuvulukanga kusoloka mukuliwana jino, na viveza muma voko Eyi na mutwe Wenyi.” Nduma, nduma; keshi *nge* mujimba, keshi *muli* mujimba. Talenu? Ikiye napu jino Kumunyika. Saulu. . .

⁷⁸ Omwo Ikiye apwilenga hano hamavu, Ikiye ngwenyi, “Ngwafuma kuli Kalunga. Nanguya nakukinduluka kuli Kalunga.”

⁷⁹ Ikiye apwilenga Kangelo uze atwaminyinenga vana va Isalele muli chize Kumunyika, kuhichila mupambo. Ikiye akindulukile kunyima kuli chize Kumunyika chochimwe. Kaha Paulu amwene Echi, kulovoka cha Tesitamende Yamwaka. Ikiye ngwenyi, “Yami Yesu, uze Kangelo ka Lushiko.”

⁸⁰ Kaha Ikiye ejile nakupwa musonyi, nakusokola etu. “Ambachile chifwanyisa cha Vangelo,” etu twawananga mutupetulu vakunyima, etu tuli nakutanga. “Ikiye kambachile chisemwa cha Vangelo, oloze apwile Mbuto ya Apalahama,” nge Ikiye atela kuchitachikiza, nge vathu vanahase *kumona* Kalunga. Amena.

Jino Ikiye ngwenyi, “Nanguya nakukinduluka kuli Chize.”

⁸¹ Kaha omwo Paulu amwene Chize, ikiye ambile ngwenyi, “Punduvene, uze apwilenga Ikiye. Uze apwilenga Ikiye.”

⁸² Petulu apwile na kuhitamo lyehi ufuku umwe ikiye apwile nakulomba. Chize Kumunyika chochimwe kwiza nakwingila muzuvo, kusokolola vikolo kumeso eyi, kulovoka nakuya mujila. Kaha Petulu ashinganyekele nge apwile nakulota; ikiye apwile wakuwavisa. Ikiye katachikijileko chumamuka nachiya nakusoloka. Ikiye ngwenyi, “Kumana Ngunahinduka? Oloze Nguli muno mujila.”

⁸³ Kaha ikiye ayile ku zuvo Yowano Mako. Kaha uze kanyike wapwevo asokolwele chikolo, umwe pwevo wakalemesa wamundende kuze, vanapunga kukuliwana cha kulomba.

Mthuumwe kungongomweza kuchikolo. Asokolwele chikolo. “Mamalelo,” ikiye ngwenyi, “hano Petulu hano vene. Ove uli nakumulombelela ikiye kulovoka mukamenga. Ou Mwata namumuhana ikiye.”

84 “Mamalelo,” vakiko vambile ngwavo, “yako lika.”

“Ove Mwata, amusokole!”

85 “Mwomwoika,” ikiye ngwenyi, “ikiye emanyine kuchikolo, kungongomweza.”

Petulu atwalileho kuchika, “Kungwitavila kwingilamo.”

86 “Mamalelo,” ikiye ngwenyi, “ali Petulu.” Aze makumbi, vakiko hanga vapwilenga nawo, nakaze kapila kakandende. Kachifwiko kakandende hano, enu munahase kukazundula nakutala kuweluka, talenu. Shimbu kanda ove utwaminyina, ove watela kutachikiza hiya kungongomweza hali chikolo chove. Mwomwo, vakiko vapwilenga naveji; kachi enu namusokolola lipito, vakiko navaya nakumijiha.

87 Shikaho, vakiko vasokolwele chikolo. Ikiye ngwenyi, “Ali Petulu.”

88 Vakiko vambile ngwavo, “Mamalelo! Mamalelo, yami, ikiye nafu. Uze ikiye kangelo kenyi emanyine haze. Talenu? Kunahu kwingila kaha mumujimba wa Upahu, munatachikiza, uze mujimba wamushipilitu.”

89 Anuka omwo etu twambachile Echi, eyi Diamond, omwo Echi chinahase kusoloka Kumunyika, omu Chayile kuze? Uze. . . “Eyi mbalaka yamavu nayiyengunuka, etu tukwechi yimwe yinavandamina.”

Kaha vakiko vashinganyekele Petulu nafu kunahu, ou mujimba wamwaka kusulumuka, kaha vakiko kuufunda mumakumbi amandende, ikiye engilile muli kangelo kenyi, mokomoko muupahu- . . . keshi mujimba waupahuko, oloze mumujimba washipilitu, mujimba uze valongesa lyehi. Echi kacheshi kuhasa kulimeneka mumavoko oveko. Echi kacheshi na kulimeneka mumavoko, nge ngachize, oloze chili muchifwanyisa cha muthu. “Twaya kuno, kaha kungongomweza ha chikolo.”

90 Ikiye ngwenyi, “Nduma. Ali Petulu. Ikiye emanyine haze.” Ikiye asokolwele chikolo na kutambuka nakwingila. Ikiye apwile. Jino, Petulu vanamulwili na Kumunyika.

91 Jino, jila yoyimwe yize yasolokele. . . nge Paulu, mu Liuka Iya kumaputukilo, amwene chize Kumunyika cha Kalunga chize check hali Paulu, Chuma chochimwe chineza nakushikumuka. Jino, vathu vanahase kuhanjika kala chuma, chize kacheshi kuhasa kuchilingisa kupwa chakwolokako. Oloze omwo Kalunga mwenjikiza vyuma vyosena, milimo ya Echi kwinjikiza Echi. Jino, likina Iya camera kwinjikiza Echi. Kaha vyuma vyosena evi etu. . . nge Mwata nalingi, mukukupuka, kwinjikiza

nge Ali Kalunga, ha Visoneka, ha vilinga Vyenyi, ha kutachikiza. Oloze vakiko kaveshi kuya nakwivulilako.

⁹² Tala hano muli ino mbalaka. Jino, anuka, munatachikiza echi. Etu katwatambuka mazu kanako. Etu katweshi na chihela chakuhaka vakiko, mwosena omwo. Oloze, tala. Kuliwana chamuyachi ngana, kuze etu tuli nakwiza hamwe hali echi, chatela kulukwisa Jimbongi Jitanu najivali. Oloze vakiko vali vakufwa. Vakiko vali vene vakufwa. Vakiko vali na meso oloze vakiko kaveshi nakumonako.

Ove ngwove, ove, “Mwomwoika, Ndumbu walunga Branham, kumana vakiko kaveshi kuya kuli ndotolo na kutambula meso avo akuyoya?” Ikiye keshi kuhasa kuhaka muyachi wa kumona.

⁹³ Yesu ambile ngwenyi, “Kachi enu munangutachikiza Yami, kachi munatachikiza likumbi Lyami.” Ikiye ambile ngwenyi, “Enu tupuputa va Fwaliseu. Enu munahase kutumbununa meso a muutangatanga, oloze vinjikizo vya lwola, enu kamweshi kuhasa kutumbununa.”

⁹⁴ Kumana evi vili helu lya mutwe wove? Ivwulilenu. Tala ha vinjikizo etu tuli nakuyoyela hano. Jino, echi kacheshi kaha nge. . . Nguli, yami lyavene, Nguli kaha muthu, keshi numba mukakunangula, kuhanjika hali echi. Kangweshi na shikola ko, kaye nakasanyika, “mukakunangula.” Kaha etu tuvathu vakuhutwa. Tala ha zuvo eyi tulimo. Talenu mazuvo amauka amanene, chimene chino. Oloze tala oho Kalunga ali. Kuli chuma.

⁹⁵ Shikaho yapwile Mowave kwimana haze muuhanya namukuwaha chayo, oloze Isalale yapwile mujimbalaka. Oloze kaha Kalunga apwilenga halihi? Muze mwapwilenga lizavu lyalindende kutambakana, kulinga vyuma vyosena vyapwile vyakuhenga. Oloze Mbalamu, wavo—wavo mbishopu, vahonene kumona lize Lilolwa lya kuveta, lize Linoka lya Unengu, ize Panda ya Kakahya. Meso eyi apwile kapuputa. Ikiye kahashile kumona Echiko. Ikiye ambile ngwenyi, “Vakiko vanapu kaha kujinuoka Hali chize.” Oloze Ikiye apwilenga muze.

⁹⁶ Vamukisule Kalunga, mamalelo, Ikiye ali hano! Kalunga ali hano, kaha Ikiye ali nakulinga chuma chochimwe chize Ikiye nalingi. Kaha Ikiye napu. . . Etu tweji kupezelesanga Chisoneka na Chisoneka. Kalunga kanda lyehi alikwite ulombo Lyavene chumachimwe chachinene, hano hamavu, oloze Ikiye lwola lwosena atwama mukchi kavathu vamokomoko kaha vakulinyisa. Kaha hano Ikiye ali chimene chino, kulinga chuma chochimwe. Echi Chisoneka chinahanjika Echi. Eli likina lya kukopa kwinjikiza Echi. Jino, ou ukiko, mulonga Nguli nakuminyikila kuli chize chifwanyisa, kacheshi mwomwo Nguli hazeko. Nguli—Nguli kaha mukashili, wakulwila na likoji, nge omu wapwa. Oloze chuma Nguli nakweseka kuhanjika,

chili, Chinapu Kupwa Chenyi na etu. Chikiko chuma chivene. Chamwaza, kachi Ikiye angutengele yami nge—nge omu atwamine muli Elisha, kachi ove kaweshi na lufwelelo lwa kufwelela echi, kaha kaweshi kuhasa kulinga kala chuma chamwazako.

“Ikiye ejile kuli Ikiye Ivene, Ikiye Amutambwile Ikiye keshi ko.”

⁹⁷ Ou ukiko mulonga, muno mu mbongi lelo. Mwomwoika, Ngunahase kuputuka kuhizumuka hano, muzuvo yayinene mokomoko chumachimwe, enu kamweshi kuhasa kupwa na vathu vavavulu kufwelela echi. Vakiko kaveshi kuhasako. Vakiko kaveshi kuhasako. Likumbi lyavo vanalingi.

⁹⁸ Echi kulinangula chochimwe, chimene chino, mu Africa, kachi chinanehe pamo Teni sauzande, nge vavandende, teni sauzande myono kuli Kulishitu; kuze vanahase kupwa mukashili natwame hano chimene chino, mokomoko chumachimwe, mukakukinduluka kunyima. Vavavulu kachi navalijila palanga, nomu nachikuma. Mukiko kaha.

⁹⁹ Oloze ika etu tuli nakweseka kuhanjika, chili, Chisoneka kupezelesa na Chisoneka. Jino, echi kacheshi namulongako kutachikiza chingahi, kuvangila muchipezalisa na Chisoneka, echi chinapu chakuhenga.

Ize Ulime Tumime, chipwethuhu kapolofweto wamwaza ngachilihi, kachi ikiye ahanjikile na aze malaiti kusoloka ha Ulime Tumime, chapwile chakuhenga. Omwo chamwaza chize chilota chasolokele, kachi kachapwile kutemwina haze ha Ulime Tumime, chapwilenga chakuhenga.

Omwo uze upilishitu wakumine, Kalunga kuhaka Mbimbiliya helu. Paulu ngwenyi, “Kachi Kangelo wakufuma Mwilu mweza,” Ngalasha 1:8, “kaha mwanangula kala mujimbu wakuambakana ou vananangula lyehi kuli enu, echa ikiye apwenga wakwangula.”

¹⁰⁰ Uze Kangelo kufuma Mwilu ahanjikile kuli Yowano uze mukakumwene, uze apwilenga Kalunga Lyavene, “Yami Yesu atumine Kangelo Kami kwinjikiza, mokomoko kusolola vyuma evi.” Ikiye ambile ngwenyi, “Kachi kala muthu mwaya nakuhaka lizu limwe kuli Echi, mokomoko kumbata Lizu limwe kulifumisa muli Echi, chochimwe navakafumisa mu Mukanda wa Kuyoya, hali ikiye.” *Echi* chikiko Echi, eyi Mbimbiliya.

¹⁰¹ Shikangaho, echi kutachikiza na vyuma kana evi tuli navyo nakusoloka hano, kachi echi kachapwile kwitavila ha Lizu Iya Kalunga ko, nachiya nakupwa chakuhenga; Kangwalizakaminako chumamuka nachiya nakusoloka, nachiya nakupwa chakuhenga. Shikaho echi chili Chisoneka, mukiko vene Muchano. Mamalelo, Ngunawahilila Yami ngumembala ya Mujimba waunene wa Kulishitu.

102 Jino, echa tuyenu jino, etu tuli nakwiza nakulinangula. Jino, etu twame hano kuze ikiye ahanjikile, “Kumona nge etu vanatujimbula hali . . .” keshi . . . Mungukonekeleko. Chize, Ngwapwanga nakutanga kapetulu 12. Ngwapwanga nakutanga echi, oloze Kangwachinangulako. Ngwa . . .

103 Ndumbu walunga Norman, twama hembo lyami haze, kaha ikiye atachikiza nge Nguli kaha na zau, kaha vandumbwetu vanatachikiza, kushikumuka muze, Ngwengililemo kaha. Lwola lumwe Ngwatela kutanga Chisoneka kuze, kutwama hano vene, minyutu yayindende hanyima okwo. Echi chakwoloka. Kanda kutanga Echi, Nanguvandamina hali Shipilitu Wajila kuhana Echi nge omu Ikiye natondo echi. Ikiye atachikiza okwo muthu ali ha—ha, uze atela kupwa Nawo. Shikaho kachi Ngwapwanga nachuma chimwe chakulingisa mvishinganyeka vyami Nanguya nakuhanjika, kahajino echi chakuhenga. Oloze kachi Nangumwechela Ikiye kuchilinga, Ikiye mwaya nakuchilinga Echi mukwoloka hazevene muze Echi chapandama. Talenu? “Kanda mukambata chishinganyekako chumuka muya nakuhanjika, mwomwo Keshi enuko namuya nakuhanjika, Ali Iso atwama muli enu. Ikiye eji kuhanjikanga.”

104 Jino, kapetulu wamakumishilo, wamwza, etu tvevwile echi, chize, “Natuchiya ngachilihi, kachi etu natuhombwanyisa ou ulwilo waunene ngana; Hiya watete watunangwile kuli Mwata Yesu, kaha Ikiye na vaze vevwile Ikiye?” Vyuma vyovimwe vize Yesu alingile, kusolola, vyuma vyovimwe nge kusoloka hano: youmwe Kangelo wa Kalunga, milimo yoyimwe, vinjikizo vyovimwe, vyuma vyosena, kupwa, Mujimbu wamwaza, wa kwoloka na Lizu. “Kachi chize vachinangula kuli Mwata, kahajino kwinjikiza kuli tumbaji Twenyi nge etu tunevu,” Paulu kupwa youmwe, “natuchina ngachilihi, kachi etu natuhumbula ulwilo waunene ngana?”

105 Jino, Paulu apwile nakuhanjika echi kuli lizavu lya vaka Hepelewu. Jino, vakiko kavapwile na maunjiho akukopako, lelo, nge omu tuli hano. Oloze vakiko vapwilenga na vakakusoneka vaze vatwaminenga kuze, kusoneka Evi muze Paulu apwilenga nakuvinangulanga Evi.

Kaha echi chikiko Echi chili hano vene. Etu tuli nakumbata Echi ha tepu, kaha eji jitepu najino kaye, talenu, kusolola nge Echi kupwa Muchano. Kulifukula chetu kacheshi chaufwefweleketeko, Echi chilivene cha Yesu Kulishitu wakusanguka, chuma chochimwe. Jino etu twatela kuchihaka hali Echi.

106 Jino, kanda kaha kufuma muliuka ko, lelo, na kuhanjika, “Chamwaza, Nguli kaha nakuwahilila nachishikumuka kuze. Ngwazanga kwimba, kaha vathu vanapu masepa muze muliuka kana lyamwaka lyalindende.” Kanda kulinga ngachizeko.

107 Ndumbu walunga, echa muchima wove wizenga nakupwa kakahya, kuhanjika, “Hano, Ngwatela kulinga chumachimwe hali echi. Ngwatela kulovoka na kumona kachi Nanguhasa kupwa muthuumwe wakulwiliwa.”

108 Kaha kanda kuya nakulovoka, nakuhanjika, “Kalunga amikisule, kachi enu kamweshi kupihilila nakwalumukako, enu namuya nakunonga.” Nduma.

Yako kuli wakalemesa. “Pwako kaha nge linoka, nge wakuzeneka ulembe nge katela.” Talenu, eyi ikiko jila yakuya. Pandama kuli uze muthu, kachi ikiye alama tusumbi, hanjika hali tusumbi, kuli ikiye, chindende. Talenu? Kaha jino, chuma chatete munatachikiza, enu namuya nakuhanjika hali Mwata. Kachi ikiye napu jimi, hanjika haujimi.

109 Kachi ikiye eji kulanjisa jimotoka, hanjika hajimotoka, chindende, “Jimotaka kana jamwaza ove ukwechi,” na vyangocho. Talenu?

110 Palanga nomu namukwate Shipilitu, omwo Tata ngwenyi, “Jino luno hilwola lwakupandama kuli ikiye ku mwono wenyi.”

111 Ove jino hinaukukulula, talenu, “Ize ili motoka yamwaza. Unatachikiza nge kutambuisa, lelo, chineza nakupwa chamu chachinene. Mamalelo, omu mafuchi vanalinehe hamwe; kaha jimbongi ja mafuchi jetu, hakamwihi hamwe. Masepa na manevo vosena vanahase kulimenekela. Unatachikiza, chinapu chumachimwe chamwaza kupwa na motoka nge eji uli nakulanjisa.”

112 “Eyo, mwane. Echi pundu chili. Huu-hu.” Munatachikiza, kutakila ha likanya, mokomoko kala chuma chili. “Yaah, vakiko, jili ji motoka ja mwaza.”

113 “Ove washinganyekaho lyehi nge vakulwane vakunyima vashinganyeke nge vatela kwiza nakupwa nachumakana nge ngachize?” Twalilaho kuya nge ngachize, munatachikiza.

Hanyima chindende, kuhanjika, “Eyo, punduvene mukiko chili.”

114 “Enu munatachikiza, chuma chikwavo cheji kulinganga, cheji kuneha nge etu kupwa, nge mukuhizumuka. Vathu vanahase kwiza kulifuchi lyosena, washiwashi, kupwa kuhizumuka.” Talenu, enu muli nakusokolola jila, lwola lwosena, munatachikiza.

115 Kachi enu namwivwa Chumachimwe kukuchoka mujila, yimana hazevene, tambuka nakwiza *hano*. Nge ndotolo ngwenyi, kufuma ku Phoenix, ngwenyi, “Mwata, nguzalise kanwa kami na mazu amwaza, kaha jino ngungileko yami omwo Ngunahanjika vyakutamo.” Mwamono? Yaah. “Ngunyukule nge Ngunahanjika vyavivulu.”

116 Jino, talisenu jino, etu natuya nakuputuka kufuma mu kapetulu 15, mokomoko vasi 15 ya kapetulu 3, hakamwihi jino.

Shimbu vachili nakwamba ngwavo, Lelo kachi nge enu...namwivwa lizu lyenyi, kanda mukaluwisa michima yenu, nge haze vangosowangijile mupambo.

117 Jino tala Paulu kuhanjika hano. Jino echi vachambile ngwavo, “Lelo, hanyima ya lwola lwalusuku.” Etu tuli nakuya nakwingila hanyima chindende, nge, “Lelo, shikaho lwola lwalusuku.” Twaya mu kapetulu mukwavo, “Hanyima ya lwola lwalusuku.”

...shimbu vachili nakwamba ngwavo, Lelo kachi nge enu...namwivwa lizu lyenyi, kanda mukaluwisa michima, nge haze ha likumbi lya kumusowangiza, omwo vakiko vamusowangijile Kalunga.

118 Jino echa tutange vasi ikwavo.

Mwomwo vayaze vaze, vamusowangijile, omu vevwile:...

Jino chuma muka ikiye ahanjikile? Mujimbu wamwaza.

...vosena vaze valovokele mu Ejipitu hali Mose nyi.

Kaha veyaze vaze Ikiye apwile na ewwilenga kupihya mu myaka makumi awana? vaze vavulumwine nyi, vakwechi mijimba yavo yalindwomokele mupambo?

119 Echa twimane hano hamunyutu kaha. Chize kusowangiza, “omwo vakiko vamusowangijile.” Jino chumauka Kalunga alingile? Jino Paulu ali nakweseka kuhanjika. Chuma muka Chavatwaminyinyine kufuma mu Ejipitu? Apwile Mose? Nduma. Mose apwile chizachiso cha mumujimba.

120 Jino etu tukwechi chikuku hano. Etu twatondo kwolola echi jino. Omwo etu natwimana hano hamavu hano, muminyutu yayindende, enu namuya—enu namuya nakumona echi.

121 Jino, Kalunga apwile na vathu Jenyi na vyuma vyosena. Vakiko vapwile mu Ejipitu. Vakiko vapwile vakufuma muchihela chavo. Vakiko vapwilenga kulifuchi lyavo. Vakiko vapwilenga vangeji kaha mukakuzuzuma, kaha Kalunga apwilenga nakuya nakuneha vakiko kufuma muzuvo, mu—mu Ejipitu, nakuvatwala mulimbo lya lushiko.

122 Muyachi wa lelo; etu tunahwimi. Hano hakiko natushimbula chikuma. Kanyike wamundende vamaunga kuhema mulavalava, vanyike vamaapwevo vavandende kuhema kuyata, kuhema; chuma chatete mwatela kutachikiza, ove ukwechi jikambu jawele, na mikonya. Kuli chumachimwe chakuhenga hano. Echi kacheshi limboko. Etu tuli muchihela chakuhenga. Ou ukiko mulonga etu tweji kuhanjikanga etu twapwa vakakuzuzumana kaha vangeji. Chumachimwe chinasoloka.

123 Pwevo wakalemesa wamundende ngwenyi, chimene chino mukapete, pamo vathu mwaseha hali ikiye, lwolalumwe.

Ngwambile ngwami, “Oloze, ndumbu wapwevo, ove kaweshi vaze vathu kanako.” Etu tuvathu vakuhandunuka.

¹²⁴ Kanyike wapwevo wamundende ambile ngwenyi, “Tata, *umwe wavaze* vanyike vamaapwevo valingile vyuma *vimwe vize* vakiko valingile.”

¹²⁵ Ngwambile ngwami, “Oloze, tala, uchi wami,” vakiko vapwilenga na evi vyakusoneka cha Elvis Presley, Ngwambile ngwami, “Kangwazangile vakiko muzuvo yamiko.”

¹²⁶ Ikiye ngwenyi, “Oloze, tata, vakiko vapwilenga vanyike vamaapwevo vamwaza.”

¹²⁷ Ngwambile ngwami, “Vakiko vanahase kupwa. Kangweshi nachuma chimweko hali chizeko. Oloze kuli chuma chimwe, etu tunapu vakuhandunuka. Etu tuli vakuhandunuka. Keshi nge etu twatondo kupwa wakuhandunuka, oloze Shipilitu eyi ili mukachi ketu yineza nakulovoka muli echi. Ove uli wa kano ha kaye.”

¹²⁸ Omwo Nangukaya ku Africa, Nangukaya nakunguhwilwisa mujijila javo—javo—javo ja kuyoya. Vakiko kavavwala uvwalo chekako. Vakiko vali uselesele. Kaha vakiko kumbata chumachimwe chize chinapolo, chikwechi mavunu, vakiko vali nakulya, mwosena omwo, kacheshi kuvalingisa vakiko kupwa mwekako. Talenu?

¹²⁹ Kaha Echi chinapu chakuhandunuka. Munatachikiza, lwola lumwe, etu twapwile vosena nge ngachize, oloze kutona chinanehe etu na kutulingisa etu kupwa vakuhandunuka.

Kaha kuhanjika vanachitohwesa kapapa ka miliyoni. Etu katweshi nakutonda vyuma vyakupolako vya kano kaye chekako. Kulishitu natulingisa etu kwiza nakupwa Vakakulishitu, nge kutona chinatulingisa kupwa vatoma. Kaha tachikizenu, keshi kaha chizeko, oloze etu tweji kulivuluka nge etu twapwa vakakuzuzumana kaha vangeji. Etu katweshi kukayeko. Kahajino, enu mwatondo kulinga chuma chimwe na kaye. Kaha vize vyuma kana vinahichi.

¹³⁰ Jino, Isalele apwilenga ku Yijipitu. Vakiko kavapwile va Yijipitu ko. Ejipitu, echi chapwile chasonyi kupwa ka Ejipitu kuhaka mavoko eyi hali mikoko. Kaha va Isalele vapwile vaka mikoko. Kaha omu chanehele Mose, hanyima ya vyosena chize kulema cha Vakayijipitu, vakakulama vangombe.

Enu munatachikiza omwo Fwalo ahanjikile kuli Yosefwa, na vyangocho? “Echi chinapu chaunyengwe.” Ngwenyi, “Vathu jove vapwa vakakulama mikoko.” Kaha na Vakayijipitu kavahashile kuhaka mavoko avo hali vaze vakakulama vangombe. Ikiye muthu wakuhandunuka.

¹³¹ Kaha omu mukiko chili na Mukakulishitu, lelo, omwo ikiye mwasemuka cheka. Echi kacheshi. . . Echi chinapu chamjilo kuli ikiye kulinunga navathu kana na kunwa na kuhanjika

usese wamajilo, na mapwevo vauselesele. Kaha kala... Echi, chili—chili majilo. Mamalelo, va kisula Mwata! Etu twapwa vakakuzuzumana hano. Etu tuvangeji hano. Eyi shipilitu vanayalumuna, kaha etu tuli nakutala ha Mbongi kuze mapwevo kavavwala jiputulako. Etu tuli nakutala ha Mbongi ize ikiko kayeshi na mwakulanjishila walako. Etu tuli nakutonda Mbongi omwo yapwa kwoloka. Shikaho, etu twapwa vakakuzuzumana.

¹³² Shikaho, Kalunga ejile hano hamavu mumukuta waunene wa Kakahya, nge Panda, kwingila muze muchipapa na kuputuka kulisolola Lyavene kuli Mose, chatete. Mose ngwenyi. . .

Munatachikiza omwo etu twapwanga na kunangula cha ufuku ukwavo, omwo Yesu apwilenga hano hamavu, Ikiye ngwenyi, “Chamwaza, shimbu kanda Mose apwenga, NGWAPWA.” Uze apwilenga Yesu muze muchiputa chakuwema, mu Panda ya mulangi Wakakahya. Napu Yesu, lelo, youmwe.

Kaha Ikiye alisolwele Lyavene mu Panda ya Kakahya, kaha Mose atambwile kuhitamo. Ikiye ayile nakushikumuka mu Ejipitu. Ikiye eji kunangula Mujimbu wamwaza, mijimbu yamwaza, kaha vinjikizo na vikomwesa kumukavangiza. Enu munachivushisa? Chuma chochimwe na lelo.

¹³³ Keshi ngocho kahako, oloze omwo va Hepeleu kulovoka, kutambuka muli Kumunyika, vakiko vavatwaminyine na Panda ya mulangi wa Kakahya woumwe. Kaha Mbimbiliya ngwayo yahanjika chize, “Kanda mweseka Kalunga ko.”

¹³⁴ Tala echi. Echa ngutange echi.

Shimbu vachili nakwamba ngwavo, Lelo kachi nge enu. . . namwivwa lizu lyenyi, kanda mukaluhwisa michima yenuko, (Lizu Lyenyi kuhanjika kumuchima wove.) nge haze vangusowangijileko. (Omwo vakiko vamusowangijile Ikiye.)

Ivwililenu.

Mwomwo veyaze vaze, vamusowangijile omu vevwile: . . .

¹³⁵ Vangahi vatachikiza nge va Isalele vakusowangijile Kalunga na kuzeneka kufwelela chavo? Vakiko vayayavalile, vakiko, mwosena. Kalunga atambukile nakuya kuze. Kaha omwo vakiko vahetele vosena. . . Chuma chatete, vakiko vengilile muukalu.

Hano hapwilenga eyi Panda ya mulangi wa Kakahya helu lyavo. Ngunahono kutachikiza nge vakiko vosena vamwene Chize, mokomoko nduma. Kukeha, Mose amwene Echi. Kaha Echi chapwile helu lyavo, kaha vakiko vamwene Chize. Kaha omwo vakiko vejile. . . Kuhanjika kachi vakiko kavamwene Chizeko, Ngunahono kutachikiza nge vakiko valingile mokomoko nduma. Echi chayile kumeso avo. Eyi Mbimbiliya yahanjika ngwayo Mukiko chapwile.

136 Wambile ngwavo, “Uze Tanganyika ayile kumeso ava malunga vakamangana.” Naumwe pimbi amwene Echi oloze malunga vakamangana kaha. Chayile kulutwe lwetu. Vakiko valaminenga lwola ha vatanganyika. Naumwe pimbi amwene Echi oloze malunga vakuzangama. Echi chapwile kulivakiko kumona Echi, kaha malunga vakamangana vapwilenga uze Tanganyika vamutumine.

137 Kaha ize Panda ya mulangi wa Kakahya yapwilenga wakituma kuli Mose, kaha Mose vamutumine kuli vana va Isalele. Kaha vakiko vatelele kukavangiza Mose. Vakiko vatelele kumona Mose, kaha Mose amwene Kumunyika.

Vakiko vayile. Kahajino vakiko vapwile nakuya. Kaha shimbu vakiko vayile, vakiko vejile ku Kalungalwiji Uchila. Kaha, mamalelo, vakiko—vakiko vamwene vize vinjikizo vya vikomwesa na vyuma kusoloka shimbu vakiko vapwilenga muze mu—mu lifuchi lya mwaka lya Yijipitu, oloze omwo vakiko vayile kuze muze muungeji, vavalumwine kaha nakuvalovolamo. Kahajino, chuma chatete munatachikiza, vakiko vakwechi ukalu.

138 Kalunga azanga kukunehela muukalu. Ikiye azanga kuhaka ukalu hamavu na kumona chuma muka muya nakulinga hali echi. Shikaho Ikiye emikile uze Kalungalwiji Uchila, kaha chuma chatete munatachikiza, kuvamwene vakiko kwiza nakwingila muchihela kana, kahajino atumine Fwalo hanyima vakiko. Talenu omwo Kalunga azanga kulinga echi? Ikiye azanga kusolola ngolo Jenyi na zangi. Ikiye apwa Kalunga, kaha Ikiye azanga kukulwekesa ove Hiya Ikiye apwa. Amena.

Kaha ukalu uli nawo, lelo, vathu ngwavo, “Mamalelo, makumbi kana ahita lyehi.” Nduma. Nachipwa ngachilihi Kalunga kulisolola Lyavene, omwo enu vaminangwile vyuma vya ngana? Oloze Kalunga azanga kulisolola Lyavene.

139 Kwejile vana va Isalele, kutambuka mu Kumunyika. Mose, kuya kulutwe lwavo. Vakiko vapwile. “Twayenu kuno. *Eyi* ikiko jila. Kalunga ali nakusanyika. Etu tuli nakuya. Etu tuli nakuya kulifuchi lya lushiko.”

“Mamalelo, haleluya!” Hano vakiko vosena vapwilenga, nakutambakana, na kutumbuka, na kupwa nalwola lwamwaza, munatachikiza. Kaha chuma chatete munatachikiza, vakiko vatalile kunyima kaha vambile ngwavo, “Mamalelo, nyi lukungu muka luze?”

140 Umwe wavo ayile kuze kupili, ngwenyi, “Mamalelo, mamalelo! Mamalelo, Ala, Ala! Echi chinapu maswalale ja Fwalo.”

141 Kalunga Ambile ngwenyi, “Ika ove weji kwivwanga woma hachuma muka? Ove kawafwelela chuma muka

Ngwalingile muze? Enu muli nakulizakamina ika? Mwomwo enu namungulingisa kupihilila?”

¹⁴² Omwo vakiko vayile kuze, Mose ayile na kwimana kuli Kalunga. Kalunga asokolwele Kalungalwiji Uchila kaha vakiko vatambukile nakuya; kufwikilamo mukakole. Omu mukiko mujila Kalunga eji kulinganga. Kanda kwivwa womako. Kanda kupwa nakuwahililako. Kanda upihililako. Enu vakakusowangiza Kalunga.

¹⁴³ Kahajino chuma muka Ikiye alingile? Tala nge, “Chamwaza, etu twapwile na cheseko chachinene; kukisula Kalunga, etu tukwechi hali chize. Etu katweshi kuya nakupwa cheka. Etu tuli mujila yetu yakuya kulifuchi lya lushiko.” Kaha Ikiye avatwaminyinyine nakuvatwala mupambo, muze kamweshi meyako. Munahase kushinganyeka? Kalunga, na Venyi—na Venyi vakujilika, vathu vakujila, avatetekelele nakuvalovola kuvafumisa *mu* likonga; jino avafumishile kuvafumisa mulikonga, kaha kuvatetekela muzevene muze mwakuzeneka meya. Omwo Ikiye kachi ambachile jila yimwe kuze kwapwilenga meya. Mwomwoika, Ikiye kachi atangile kaha kalwiji, mujila yosena, kachi Ikiye atondele. Ikiye atelele kuhokola kala pili nakutwala mukuwahilila, kulovola meya fifite feti kutwala muze mupeho, kachi Ikiye atondele. Punduvene, Ikiye ahashile. Oloze kachi Ikiye alingile chize, kachi chapwile chachashi. Mamalelo, Ngwazanga echi! Kukisula chipwenga Lijina lya Mwata.

¹⁴⁴ “Mwomwoika Kalunga etavile *echi* kusoloka, Ndumbu walunga Branham? Mwomwoika Kalunga alingile. . . ?”

Kalunga ali nakulinga ngachize. Echa Ikiye ukawenyi. Tambuka kaha nakuya. Ou unapu mulimo wa Kalunga. “Jingano ja vakakwoloka veji kujitetekela kuli Yehova.” Eyo, mwane. Chihandwa muka nachipwaho?

¹⁴⁵ “Ngwajimbalishile mali ami, Ndumbu walunga Branham.” Chamwaza, kisula Kalunga, kala mwosena omwo.

¹⁴⁶ “Mamalelo, Ngwalingile *echi*, kaha *echi* chasolokele, nyamanganda jejile na kwingila muzuvo yami.”

¹⁴⁷ Kisula Kalunga, mwosena omwo. “Ou Mwata eji kuhana, Mwata eji kumbatanga, kukisula chipwenga Lijina lya Mwata.” Twalilaho kutambuka nakuya. Ali upahu wa Kalunga. Kalunga atachikiza chuma muka Ikiye alinakulinga.

Vamwe kuhichila mu meya, vamwe kuhichila
mu livaji,
Vamwe kuhichila vyeseka, oloze vosena
kuhichila mu Manyinga.

¹⁴⁸ Omu mukiko mujila Ikiye eji kutwaminyinanga. Echi chakwoloka. Mamalelo, yami! Ngulinakwivwa nge Ngunahase kwimana na kutambakana. Omu mukiko mujila Ikiye eji

kutwaminyina vana Venyi vamwaza. Mamalelo, enu munahase kaha kwivwa . . .? Jino, Kangweshi mukakutanga vishinganyeka vya vathuko, oloze enu munahase kwivwa kuzanga cha Shipilitu kusanyisa muzuvo yosena? Ngachillihi nge meso enu nawasokoloka jino, kaha tala chumamuka chinemana nakujinguluka jimbango josena, helu nahamavu namusenge?

¹⁴⁹ Elisha Wamwaka, chimene chimwe, omwo uze kanyike walunga apwilenga kapuputa nge ikiye mwaya nakupwa, ikiye ambile ngwenyi, “Tala hali va Sulya vapwilenga kuze.”

Ambile ngwenyi, “Oloze kuli etu vavavulu.”

Ambile ngwenyi, “Kangwamwene naumweko.”

Ambile ngwenyi, “Mwata, sokolola meso a kanyike walunga.”

¹⁵⁰ Ikiye atalile nakujinguluka hali uze kapolofweto wamwaka, vosena nakujinguluka ngachize, kujipili japwilenga Kakahya, na vimbulu ja Kakahya, na matemba a Kakahya. Ikiye apwile wakukunyuka vene.

¹⁵¹ Ikiye ngwenyi, “Etu natuya kaha nakuvaveta upuputa.” Vakiko vapwile na kumona mumeso avo nge omu valingile, oloze vakiko vapwilenga tupuputa kuli ikiye. Ambile ngwenyi, “Enu vosena muli na kutonda Elija?”

Ngwavo, “Eyo.”

¹⁵² Ambile ngwenyi, “Twaya kuno, Nangukulweza okwo ali ikiye.” Kaha uze apwile ikiye, nakuvatwaminyina vakiko. Vakiko kavatachikijileko.

¹⁵³ Omu mukiko chili na lelo. Kulishitu ali hano. Ou Shipilitu Wajila ali hano, kulinga vyuma vyovimwe vize Ikiye lwola lwosena alingile, kaha kaye ali kapuputa kuli Echi. Vakiko vanahono kutachikiza Echi. “Mamalelo, Kangwa—Ngunahono kutachikiza hali Chize. Pashita yami . . .” Mamalelo, vakakuhutwa vathu veji kusakula vathu! Talenu omu Ngwatwale? Vakiko vali tupuputa kuli Echi. Vakiko vanahono kutachikiza Echi. Kalunga ali nakutwaminyina.

¹⁵⁴ Jino, vakiko vejile, kuhita Mupambo ya Shili, kuze kakwapwile meyako. Kalunga achinehele lyehi. Mamalelo, kaha vakiko wawanyine mangana akuvwuwa meya, vakiko ngwavo, “Echi chili.” Kaha vakiko kavahashile numba kumakila kuwakiko ko. Mamalelo, chapwile chachikalu. Yami, echi chili—echi chili chakuhambakana handulendi paseti kuhambakana sulufulu. Talenu, kupwa kaha nge maułu akupola, munatachikiza. “Mamaah, yami! Chize chapwile chachikalu.” Chapwile ulembe. Jino, sanyikile Mupambo ya Shili. Mitondo yimwe ya palm kukola kuze, kaha kusoka cha ize mi palm. Jino Mose ambile ngwenyi, “Kanda . . .”

¹⁵⁵ Kalunga ambile ngwenyi, “Mwomwoika vakiko veji kulinganga? Mwomwoika vakiko veji kulinganga? Chumamuka

vakiko veji kumusowangijilanga? Chamwaza, kachi Ngwalingile *chize* kunyima kuze, Kangweshi kulinga chuma chimwe hali ou ukalu?”

¹⁵⁶ Kachi Ikiye akufumishile mukuviza chimwe, keshi kuhasa Ikiye kukulovola mukwavo wekako? Ikiye akufumishile muukalu umwe, keshi kukuhasa Ikiye kukulovola muukwavo wekako? Vamukisule Kalunga! Kachi Ikiye nangufuma shili, Ikiye nahase kungufumisa muchimbumbwe. Ikiye apwa Kalunga. Chihandwa muka nachipwaho? Yako kaha, twalilaho meso ove hali Ikiye.

¹⁵⁷ Ngwenyi, “Kachi Nangufwika Kalungalwiji Uchila kunyima, kaha kuvalondondo vakiko va Ejipitu, kumana Kangwalinga chuma chimwe hali awa meya ko? Chumamuka mweji Kungulingisanga yami kupihilila? Mamalelo, kuzeneka kufwelela chenyu! Enu mweji Kungusowangizanga mundombo, mwomwo ya kuzeneka kufwelela.”

¹⁵⁸ Jino eli lizu hano valizachisa, “Shili,” kusowangiza. Kulilingisa. . . Ou ukiko mulonga vakiko veji kulinganga echi, vakiko vahonene kufwelela. Vakiko kavayile nakulovoka nakwasa vakalako, jino, na vyuma nge ngachize. Vakiko kavalingile ujila nakala pwevo lyamuthuko, kaha vayile nakulovoka na kwambulula makuli. Omu keshi mukiko vakiko valingilengako. Oloze, eyi keshi shili ko, kukuputuka.

¹⁵⁹ Kuyoya ujila keshi shili ko. Kunwa makanya, kulya, kunwa, wiji, kusingana, kulishinga, navyangocho, evi keshi shiliko. Evi vinapu kaha vilinga vyakakuzeneka kufwelela. Enu mweji kulinga ngachize mwomwo enu munapu muvakakuzeneka kufwelela. Kachi ove wapwa mukakufwelela, ove kaweshi kulinga chizeko. Ou ukiko mulonga Yesu ambile ngwenyi, “Wosena mwevwa Lizu Lyami na *kufwelela* hali Uze Angutumine, ali na Kuyoya chahaya myaka na myaka yosena.” Kanda *kuhanjika* nge afwelela, oloze vene afwelela! Mukiko kaha. Chize chinambate chinjikizo chove chatete. Talenu? Jino, yenu haze.

Keshi, “Wosena mwevwa Mazu Ami na kutambakana.” Keshi, “Wosena mwevwa Lizu Lyami na *kuhanjika* mumalimi.” Keshi, “Wosena mwevwa Lizu Lyami na kupwa na manyinga mulivoko lyenyi mokomoko kumeso eyi,” mokomoko kala chuma cheka. Echi kacheshi ngochoko.

“Wosena mwevwa Lizu Lyami na *kufwelela* hali Ikiye uze angutumine Yami, ali na Kuyoya cha Hayamyaka, kaha keshi keza Mukusopesa ko, oloze nahichi lyehi mukufwa na kwingila mu Kuyoya.”

¹⁶⁰ Shili chuma muka? Kuzeneka kufwelela. Chumachimwe chachindendechinahase kukatuka, kachi muyenga ku Chisoneka na kuwana nge Unapu muchano mokomoko nduma, “Mamalelo,” enu ngwenu, “Yami. . . Nayami! Talenu, kuze, enu

yenunga kulutwe. Nanguya kaha naku Pulishiteliyani nge Yami, talenu.” Yako lika kulutwe, kaha enu kumusowangiza Kalunga.

161 Omwo Kalunga mwalinga kalachuma, Ikiye ali nakuvandamina lifuchi kukwata Echi. Oloze, kachi muli chize, “Munatachikiza, chamwaza, Ngunahono kutachikiza hali Chize.” Talenu? Ikiye alinakushinganyeka vathu kupwa Nacho. Kachi enu muli vakuhakako muchima, twamenu hamavu na echi Chisoneka. Yenu nakuhita muli Echi na kutonda Echi, kunyima nakulutwe, kaha kumona kachi Chize chinasoloka, kachi Echi vachipolofwetele chejile nakusoloka, kaha na vyangocho. Kahajino enu namuya nakupwa Echi. Amena.

162 Jino tachikizenu.

Shimbu vachili nakwamba ngwavo... Lelo kachi nge enu... namwivwa lizu lyenyi, kanda mukaluhwisa muchima, nge haze vangoswangijileko, omwo Kalunga vamusowangijile kuli vakiko, mwamono.

Mwomwo veyaze vaze, vamusowangijile, omu vevwile, vevwile mujimbu wa Mose anangwile, kaha vamusowangijile: vosena vaze valovokele mu Ejipitu hali Mose nyi.

163 Vangahi vatachikiza vathu vangahi valwilile kufuma mulizavu lize lyalovokele? Vangahi? [Muthuumwe ngwenyi, “Vavali.”—Muka.] Vavali, chakwoloka. Vangahi vatachikiza majina avo? [“Kaleve na Yoshiwa.”] Echi chakwoloka. Keleve na Yoshiwa, vavali kaha, kulovoka cha tu miliyone chumachimwe.

164 Ivwililenu kuli echi. “Oloze ikiye...” Eyi vasi 17 jino.

Kaha vey vaze ikiye apwile na ewwilenga kupihya myaka makumi awana, mwomwo ya kuzeneka kufwelela. Vapwilenga vaze vavulumwene nyi, kuzeneka kufwelela...?

165 Mbata chikuku kaha nakuwana shili yimwe ili kulumbununa. Mbata chikukulwishi cha Mbimbiliya. Chinapu kuzeneka kufwelela. *Kuzeneka kufwelela* yinapu “shili.” “Wosena mwazeneka kufwelela kaveshi vanamupaisa lyehi,” Mukakujila Yowano 4, talenu, “wakupaisa lyehi.”

...vakwechi mijimba yavo yalindwomokele mupambo?

Kaha alishingile hali vey ngwenyi kaveshi kukengila mukunoka chamiko,...

166 Kuzeneka kufwelela chove! Mamalelo, omu Kangweshi kuya nakukapetulu wamiko. Oloze, tala, ou ukiko ukalu na eli lifuchi, lelo. Vinjikizo na vikomwesa vinavahita muli eli lifuchi. Chumamuka vakiko veji kulinganga? Kutwalilaho kwalumuna jinyima javo kuli Echi. Kaha Ikiye ambile ngwenyi, “Nanguya nakulishinga nge Kangweshi kuketavila vakiko kwingila muli lize Lifuchi vakiko vaputukileko.”

167 Ukalu uli hali awa mauka amanene lelo? Kuzeneka kufwelela chavo chinamusowangiza Kalunga. Haleluya! Ikiye ali wakutela kufumisa kuli awa malolwa kutwala kuli Apalahama. Ikiye esekele kuhana Mujimbu wamwaza kuli vakiko, kaha vakiko vakaluwishile michima yavo. Vakiko valikungulwile vavene, kaha vakiko vatungile vikungulwilo vyavindende, “Kaha etu twafwelela *echi* na chuma cheka,” kaha Kalunga kahashile kutambuka nakwingilamo. Kuze vakiko vali lelo? Kutwama kusali.

168 Kalunga wamundende, wakushishika uli nakutambuka nakutwalilaho, na vinjikizo na vikomwesa. Ikiye ali nakuvahaka cheseko. “Kala mwana walunga mweza kuli Kalunga atela chatete vamweseke na kweseka,” mwana wa kulongesa.

169 Chuma chatete chachindende chasolokele, “Mamalelo, chamwaza, pamo kakweshi chumako kuli Echi, mukala jila.” Ove uli mwana wakuzeneka masevo, kaha keshi mwana Kalunga ko.

170 Mwomwo mwana Kalunga napu Mbuto ya Apalahama, uze eji kuvuluka vize vyuma vize kavyapwileko, nge kuvyapwilenga, “Kalunga ahanjikile ngocho,” kaha twalilaho kutambuka nakuya. Amena. Chipwethuhu chumamuka mwahanjika, mokomoko kala chuma chakuhandunuka, vakiko veji kutambuka nakutwalilaho kuya, mwosena omwo. “Kalunga ahanjikile ngocho.”

171 Twende faifi ikiye avandaminyine hali uze kamba, chipwethuhu mwakulimbalaka na kupwa cha kulimbalaka. Kaha ikiye alihandununa lyavene kufuma kuli vakiko vakakuzeneka kufwelela, amena, shikaho ikiye ahashile kufwelela. Mamalelo, yami! Ngulinakwivwa kulifukula.

Shinganyeka hali echi. Enu mwatela kulihandununa enu vavene kufuma kukunangula cha kaye, “Ha, makumbi avikomwesa anahichi lyehi. Kakweshi chuma changochoko nge Chize. Chize chikiko kuzaluka.” Lihandunune ove lyavene.

172 Eyi Mbimbiliya ngwayo, “Lovokenumo kufuma muli vakiko, kaha pwenu vakuhandunuka, mwanambe Mwata, kaha Nanguya nakukutambula.” Omwo chawaha! “Nanguya nakukutambula ove,” hanyima yakuhandunuka ove lyavene. “Ove mukaya nakupwa vana Vami, Nanguya nakupwa Kalunga kenu.” Lihandunune ove lyavene, kanda ukapwe na vakakuzeneka kufwelela. Echi chakwoloka.

173 Mukweze walunga alinakumbata, kumbata kanyike wapwevo uze kafwelelako; mokomoko kanyike wapwevo kusomboka kuli kanyike walunga uze kafwelelako. Kanda kulinga ngachizeko. Kangwalizakaminako afwana wamwaza ngachilihi, kaha—kaha, mokomoko wamwaza ngachili uze wapwevo, kaha nameso amanene akwechi; vikiko naviya nakuhita mumakumbi amwe awa. Oloze, ndumbu walunga,

mwono wove nauya nakuyoya haya myaka. Ove pwako wakuzangama na ovyo uli nakulinga. Ikiye keshi mukakufwelela wamwenemwene, mokomoko ikiye kupwa mukufwelela, kanda kalikasa toka yoyimwe na ngachizeko. Twama nakufuma mujila kana. Nachiya nakuneha ukalu mujila.

174 Jino ivwililenu, vasi 17.

Kaha...veyaze ikiye...vaze evwililenga kupihya makumi awana? vaze vavulumwine nyi, vakwechi mijimba yavo yalindwomokele mupambo?

...kaha ikiye alishingile ngwenyi kaveshi ku kengilamoko,...

175 Vakiko vapatukile, oloze, vakiko vamwene vikomwesa, oloze vakiko kavahashile kuya kulifuchi lya lushiko. Shina nambala yakusakula kaha, vavali, kwingila mulifuchi lya lushiko.

176 Jino chuma muka Paulu alinakulinga? Ikiye ali nakuhanjika kuli Vakakulishitu jino, “Kanda enu mwecha ou Mujimbu wamwaza woumwe, uze vavulukilenga kunyima kuze, vinjikizo na vihayamisa, na Panda ya mulangi wa Kakahya yava twaminyinenga; omwo vyuma kana naviya nakusoloka cheka, kanda namuholoka kusali, ha kuzeneka kufwelela, nakukakasana, mwomwo jinyama javo jalindwomokele muze mupambo.”

177 Jino etu tuli nakwiza, washi jino. Tala kanawa.

...oloze kuli vakiko vaze kavayoyele ko?

Shikaho etu twamono nge vakiko kavatela kwingilamo mwomwo ya kuzeneka kufwelelako.

Ikiye achivulukile kupwa *shili* kamwe, ikiye achivulukile kupwa *kuzeneka kufwela* lwola lukwavo. *Kuzeneka kufwelela* chinapu “shili.” “Vakiko kavengilileko, mwomwo ya kuzeneka kufwelela chavo.”

178 Vakiko vamwene uze kapolofweto, Mose. Vakiko vamwene chuma ikiye nalingi, kumona chuma ikiye ahanjikile. Wapwile Muchano, lwola lwosena, tambuka nakwiza, ou Muchano. Eyi Panda ya mulangi wa Kakahya kusoloka shimbu kanda vakiko. Vakiko vatalile Echi. Vakiko vamwene Chize.

179 Paulu, kweseka kupwa nacho, kulutwe, kushikumuka hano, kupwa nachize. Talenu? Kweseka kulumbununa, ikiye achifwanyishile na tesitamende ya mwaka. Ikiye ambile ngwenyi, “Jino etu tunengila mu chuma chachihya, muli echi chisemunuino chachihya, kuhichila muli Yesu Kulishitu. Lwola lwamwaka, Mwata alisolwele kuli vakiko ha tupolofweto, oloze jino Ikiye ali na Mwana Neyi, Yesu.” Talenu? Kaha ikiye aputukile kufwanyisa kutachikiza na kuvasolwesa chumamuka nachikasoloka, omu chinjikizo na vikomwesa, kaha vyumavimwe, kaha vasoneka.

180 Jino ikiye ngwenyi, “Vakiko vengilile, mwomwo ya kuzeneka kufwelela chavo.” Vakiko kavafwelele ko.

181 “Oloze jino, etu, tweji kutambuka muchisemunwino, kaha kanda kukaluwisa muchima woveko. Kanda kulinga nge muze valingile vakiko, mumakumbi a kusowangiza, omwo vakiko vasowangijile Kalunga.” Vachilingile ngachilihi? Keshi hakuyoya cha mujimba wauthu. Echa ngutake echi muli enu.

182 Enu ngwenu, “Ndumbu walunga Branham, Nanguya kuliuka.” Echi chosena chakwoloka. “Kangweshi kuzundula muchiyoyelo chami.” Echi chamwaza. “Kanda lyehi evile. Kanda lyehi nguchilinge *echi, chize*, mokomoko chikwavo.” Echi chinapu chamwaza. Echi chikiko chamwaza. Oloze, chize chochimwe keshi shili ko.

183 Shili inapu omwo Kalunga kulisolola Lyavene kaha enu mwafwelela Echi, enu kamweshi kwivwulila kuli Echiko.

184 “Mamalelo,” enu ngwenu, “liuka lyami kanda kunangula Chizeko.” Kachi nge Mbimbiliya yatunangula Echi, kaha Kalunga kwinjikiza Echi, echi chikiko chuma.

Jino tala chindende kaha. Jino etu natuya nakuputuka jino ha chumachimwe chamwenemwene, chakujiminyina. Jino, haka chivezu chenu mumboloso palanga nomu namulovoka.

185 Jino tala kanawa.

Shikaho twivwenu woma, kuchinomu, vanatusela lyehi lushiko lwakuvuluka kwingila mukunoka chenyi. . .

Ikiye, lyavene, kuvuluka muthu jino. Chumauka?

. . . nakukapwa pamo minenu umwe navakamona ngwavo nahonomo.

186 Jino, Paulu ali nakweseka kualweza vakiko, mu kapetulu wamwaza, hali vyuma vyosena evi. Oloze jino ikiye ali nakweseka kualweza vakiko omu Chili.

Mamalelo, etu tukwechi lwola? Ngwa. . . Pamo etu twatela kuvandamina palanga naufuku uno. Kuli nakuya nakutoka, kaha etu natuya nakupwa nakutangisa. Pamo chamwaza wivwushise echi ufuukuno, mwomwo chinazale na vitamins, vitamins ya mushipilitu. Chikwechi vyavivulu vyakulinga, kaha Nguli kaha wakukashiwa musana uno. “Shikaho twivwenu. . .”

Shikaho twivwenu woma, kuchinomu, vanatusela lushiko. . .

187 Jino, kumana vakiko vakwechi lushiko lwa lifuchi, mbwe na mu Yijipitu? Kaha, omwo, Kalunga ejile nakusuluka, kulingisa elu lushiko kupwa muchano. Mwomwoika, Kalunga amulwekele Apalahama, handulendi na jihandulendi ya myaka shimbu kanda, nge Ikiye mwaya nakuchilinga. Echi chapwilenga Chisoneka.

188 Yosefwa ambile ngwenyi, “Kanda kafumisa vifuwa vyami munoko palanga enu namuya mulifuchi lyalushiko kaha mukangufunda navakakuluka jami.” Mwomwo, ikiye atachikijile kusanguka chapwilenga nakwiza, omwo Yesu asangukile kufuma kuvafu, mwomwo ikiye atachikijile chuma muka Yopa ahanjikile. Talenu?

189 Vosena vaze tupolofweto vatachikijile vyuma muka vakwavo tupolofweto vahanjikile kaha vatachikijile nge Shipilitu yavo yapwile chochimwe. Kaha vakiko vapwilenga nakutala. Mamalelo, ndumbu walunga! Mamalelo, uze atela kutunyikisa etu kufuma museteko yetu ya kaye. Vakiko vapwile na meso avo, keshi hali ovyo vapwilenga nakuhanjikako, oloze tupolofweto vahanjikile. Vosena muli vakiko vapwilenga nakutala.

190 Apalahama ngwenyi, “Ngufunda oku ali Yopa vamufunjile.” Ambile ngwenyi, “Sala, Yami nanguya nakulanda chihanda cha mavu. Etu natuya nakufunda hano.”

191 Yisaka apwile kapolofweto, hanyima ya ise. Ambile ngwenyi, “Iwuilenu. Kanda enu muli kungufunda kwosena, keshi muno mu Ejipitu ko, oloze enu ngutwalenu kulifuchi lya lushiko. Enu kangufundenu kuze.”

192 Yakova afwile muze mulifuchi lya lushiko, oloze ambile kuli mwanenyi walunga, uze apwilenga kapolofweto, ambile ngwenyi, “Munatachikiza, ufuku umwe uze Kangelo angukwachile kusali ikwavo. Ngweji kuhonangandalanga kufuma haze. Twaya, haka livoko lyove. . .” Mamalelo, keke! “Kapolofweto kami, Yami ngunakolo na Yami ngwapwa kapuputa. Oloze haka livoko lyove lya kujila, kupwa kapolofweto ove lyavene, kuhaka echi ha chihela kuze Kangelo apwilenga na livoko Lyenyi, na kutukuchila kuli Kalunga wa Mwilu nge kaweshi kungufunda hano.”

193 Wakukisula. . . Enu mwamono kusoloka cha mushipilitu cha Lizu? Mwomwoika, chimbwa chavo, kakavulu nayite paseti, kavatachikizako chumamuka ikiye apwile nakuhanjikaho. Oloze ikiye atachikijile chuma muka ikiye apwilenga nakuhanjika. “Haka livoko lyove hali echi chihela kuze Kangelo ahakile livoko Lyenyi. Ngwapwile lwola lumwe wamunene, chindundulume, mukakwivwa woma. Oloze, Ikiye angukwachile yami, kaha kufuma haze Ngunapunga wakumbilikita. Oloze Ngunapunga mwangana kufuma haze Ngwaputukile kumbilikita. Kufuma haze Ngwalumwine jila yakutambuka, Ngunapunga mwangana.” Eyo. “Haka livoko lyove hano. Lihana kuli Kalunga wa Mwilu, enu kamweshi kuhasa kungufunda hano.” Mwomwoika? Naumwe atachikijile chuma muka ikiye apwilenga nakuhanjika. Yosefwa alingile. Ikiye ngwenyi, “Ngutwale kuno na kungufunda mulifuchi lya lushiko.” Kuze kukiko kwapwile. Punduvane.

194 Omwo Yosefwa afwile, myaka kufuma haze, ikiye ngwenyi, “Kanda ove ungufunda kunoko. Oloze enu namutala ha vifuwa vyami omwo enu namuhita, mwomwo likumbi limwe enu namukalovoka muno. Kaha nge nauya, na vifuwa vyami na enu.”

195 Yenu haze. Echa kaye ahanjike chuma vakiko vanatondo, kaha kulinga chuma vakiko vanatondo kulinga. Kukisula chipwenga ku Lijina Iya Mwata. Ngulame muli Kulishitu, kachi Ngunasanyika kala chuma, wakuvayangila, mokomoko vakakujila vakulyalanga. Likumbi limwe Ikiye ali nakwiza, kaha vase vali muli Kulishitu navaya Kalunga kuneha na Ikiye, omwo Ikiye mwakeza. Echi chinapu chamushipilitu, kusoloka cha Muchano kupwa haze, kaha kupwa mvishinganyeka vya mushipilitu kuchachiwa Chize. Noka hali chize, kuhita mulikumbi. Shinganyeka hali chize. Numbathuhu kachi kamweshi kulya chachongoloshi, shinganyeka hali chize.

196 Kaha ufukuuno, etu natuya nakwingila mu Kunoka Chenyi, nge vaselele, kaha kumona lushiko muka elu lelo. Chuma muka echi lelo? Kachi Kalunga keshi Nenyi hano mu Mbimbiliya, na kwinjikiza Echi, Echi chakwoloka hano jino, kahajino Ngukapolofweto wa kwonga. Echi chili vene chakwoloka. Oloze Echi chili hano. Chuma muka echi Kunoka?

197 Ikiye ngwenyi:

Jino, *shikaho twivwenu...woma, kuchinomu, vanatusela* Iyehi kwingila kupwa kaha nge muze vakiko valingile. . .

198 Kaha Echi chatela kupwa lushiko lwolumwe. Echi chatela kupwa chochimwe. Echi chatela kupwa Kalunga youmwe. Echi chatela kupwa vinjikizo vyovimwe. Echi chatela kupwa chuma chochimwe. Oloze echa etu vosena. Jino chuma muka Echi? Echa Mwata atuhane etu, ufukuuno.

Shimbu etu twanongama mitwe yetu.

199 Mwata Wakukisula, Hayamyaka na kusolola vyuma vyavinene evi etu jino kulipangila hamwe. Chindende. . .

Vavavulu vakutongola vanapaisa. Nge omu Wahanjikile mu Mukanda wa Yuta, nge, “Malunga, vase vakutongwela kukupaisa, nachitondeka likoji lyetu Iya Kalunga kaha kulyalumuna kupwa majilo.” Kaha vavavulu lelo vali nakunangula Mujimbu wamwaza, likoji Iya Kalunga, Kulyalumuna kupwa jila yakupwilamo na mali, kupwa na liuka Iyalinene chikuma shikola ya Chalumingo, kumbata likoji Iya Kalunga Kulyalumuna kupwa majilo. Kaha kaye kali upuputa, kaha kuya lika upuputa wa vangulu. Vakiko kavwefushishileko.

200 Ove Kalunga, sokolola kuli etu kwivwushisa. Echa kwivwushisa chetu kacheshi kupwa nge vana va mukayeko. Mwomwo Ove wahanjikile mu Lizu Lyove, ngana, “Vana va malunga va mukaye vali nakufwila kuhambakana vana

va Kumunyika.” Kukuputuka chapwile ngocho, “vaze vana va Kena” vejile nakupwa mukulwane wama sayatisiti wamunene. Vakiko vejile nakupwa vakakulongesa. Vakiko vejile nakupwa vakakuzata. Vakiko vatwalileho kuya kulutwe, kupwa vakakulifukula, oloze apwile wakupaisa na kwingila mukusopesa. Kaha mijimba yavo kufungika ha meya, kaha myono yavo kuya muhetese.

²⁰¹ Kaha Yesu ayile na kuhanjika kuli vakiko, omwo Ikiye afwile. “Kaha ayile ku hetese na kunangula kumyono yapwile mukamenga, ize yahonene kwalumuka nakupihilila mulwola lwakukachilila, mumakumbi a Nowa,” mukiko yinahanjika Chisoneka. Kaha Kalunga, nge omu Ikiye emanyine hamavu, Ikiye ngwenyi, “Nge muze chapwile mumakumbi a Nowa, shikaho mukiko nachikapwa na kwiza cha Mwana muthu.”

²⁰² Oloze etu twatalisa, “chisemunuino cha Sete,” malunga vakulikehesa, malunga vavene va Kalunga, keshi kutachikiza chikumako cha vyuma vya kaye, kuhona kuzakama vyuma vya kaye, oloze vatulikile kusali kala vyuma vyakulemuwisa na kufwelela Kalunga, kaha ejile nakupwa vapolofweto na malunga vavanene mu Wangana. Shimbu veka, vakulifukula vamukaye, kuseha hali vakiko, vavasehele. Oloze ola luneza omwo livaji na kusopesa.

²⁰³ Shikaho mukiko chapwile na kwiza cha Yesu Kulishitu. Omu vakiko vamusehele na kumusekeleka Ikiye, shimbu vakiko vapwile na kulifukula chavo na mauka avo amanene. Oloze vakiko vamusehele Tanganyika wa Chimene, kaha vakiko vamusehele Ikiye. Oloze vakiko vengilile mu kusopesa. Kaha owmo vakiko vachinyine nakuya mu Yelusalama, kuze vakiko valile vanavavo, mwomwo ya zala, kaha manyinga avo kuhita mivikolo vya mujila omwo vakiko vochele ize mbongi na tembele, kaha myono yavo yayile muhetese.

²⁰⁴ Mwata, hano etu cheka, ha chitatu. Elu lunapu lwola lwa kuyoya. Seli ikiko nambala ya kuyoya. Kaha hano etu tuli, vakulizanga ha Kuhukula.

Eli Liuka kutwalilaho; uze sayatisiti wamunene mukaye; mauka lelo akuzala navathu vakakukakasana. Masauzande teni na majina avo mu mukanda, eyo, jimiliyoni, na kuseha hali Mujimbu wamwaza, kaha kuhanjika, chize, “Vakiko vapwile vakuzeneka kutanga. Vakiko kavatachikijileko.”

Pamo mukiko kaha, Mwata, oloze chuma etu twahona mu kutanga, Enu vamitunge na likoji ha kutuma Kangelo Wove wa Kumunyika, ha kusolola ngolo Jenyi, kwinjikiza Mazu kuli vaze vakuhutwa kaha vakuzeneka kutanga nge omu tuli. Oloze etu twakuzanga Ove hali echi, mwomwo eli linapu likoji lya Kalunga lize linazate, kaha etu tunatachikiza nge etu twasemukile. Kaha etu katweshi wakuzangajala, mwosena. Etu twapwa vakuzama chikuma. Oloze Ove, kuhichila mulikoji,

olwele livoko Lyove lya keke nasokoloka meso etu, nge omu Yesu atulombebele; nge Elija alingile na Gehazi, nge omu atalile na kutala hali ikiye. Kaha lelo meso etu akusokoloka, kaha etu twamono vyuma vya Kalunga, kaha kutachikiza etu tuli nakutambuka mulwola lwamakumishilo; omwo makumbi ava Vakamiyachi eka na eka akumine, kaha Ikiye mwakambata vathu ha Lijina Lyenyi. Shikaho tupwenga vakutuhaka hamwe, Mwata, mukulikehesa etu twalembe. Etutwakulombo nge Ove uyenga nakutuhana echi.

²⁰⁵ Tukisule. Kisula eli lizavu chimene chino. Vakiko vapwile vakutunga kumiyachi yakuhandunuka mukulifukula na kufwelela, oloze kuhaka kusali lelo, Kalunga. Kaha echa vakiko vatale ku Kavali, kuhanjika, “Kalunga, ngutunge yami na kungulingisa yami. Nguli nge...” Uze kapolofweto ambile ngwenyi nge ikiye ayile kuzuvo ya tengi, nge ikiye nahase kuhola na kutunga. Tutunge kaha tulingise kupwa vakufwana nge Kalunga omu apwa. Chipwethuhu kachi etu twatela kupwa hamavu nakupandama ku Zuvo ya Mwata. Nachipwa chamwaza kupwa vavutunge kuhambakana kutwama mujimbalaka na vakakuhuka. Kaha tuhanecho echi, Mwata. Tukisule jino, kaha tulame etu. Echa michima yetu yisokoloka, michima yetu yilumbununa, kuvyuma vya Kalunga, mwomwo etu twalombo echi mu Lijina lya Kulishitu.

²⁰⁶ Namitwe yetu yakunongama, Ngwalikomokela kachi mthuumwe mwaya nakutonda kuvanuka mu lizu lya kulomba, mwomwo ulwilo wove wa mwono wove? Unahase kuzundula livoko lyove, kaha mukashili kaha? Kalunga akukisule, mukweze walunga. Muthu weka? Kalunga akukisule, kunyima okwo, mwane. Kalunga akukisule, pwevo wakalemesa. Mthuumwe weka vatela kuvanuka mukulomba jino, ha mwono wove? Kalunga akukisule, mwane, na livoko lyove helu. Kaha Kalunga amikisule, kaha enu hano. Chamwaza. Nakuya nakupwa mukwavo, shimbu kanda kusoka? Ngulinakwivwa nge nachiya nakupwa. Kalunga akukisule, kunyima okwo, mwane, kunyima okwo.

²⁰⁷ Kuhanjika, jino tala, Ngwatondo kumihula enu chuma chimwe. Kangwazangile enu kushinganyeka vyosena mwomwo yinapu mbalaka yayinene. Kangwazangile ove kushinganyeka mwomwo yinapu yava vathu. Kaha Kalunga atatetele, kanda kushinganyeka nge mwomwo Kangelo ka Mwata apwile na chifwanyisa Chenyi kuchimbata nayami, kaha Ngwa... kaha—kaha chumachimwe chize, kulinga chize. Ove Kalunga! Kachi Ngwevwile mujila kana, kahajino, ndumbu walunga, Ngwatondo kupwa ha kamenga kuhona kukulomba ove. Oloze Nguli kaha nakuhanjika echi, Nguli kaha nakuhanjika echi ha Chisoneka, nge enu namuya nakumona echi kupwa Muchano. Kachi Ngwambile ngwami Echi, kaha mukiko chatela kupwa, kuya lika nge mukakunangula mukwavo mokomoko

chumachimwe chikwavo, mokomoko kala weka, chamwaza, kahajino, nachiya nakupwa chakuhandunuka. Oloze mwamono chuma, Kalunga kwiza cheka na kwinjikiza nge ou unapu Muchano. Talenu? Echi chikiko cheji kulingisa Echi kupwa chamwenemwene, chili Kalunga kwinjikiza Echi. Kaha jino, keshi kaha chizeko, oloze Lizu Lyenyi ngwalyo Ikiye mwaya nakuchilinga. Hano Ikiye ali nakuchilinga.

²⁰⁸ Jino kachi ove kaweshi wakwoloka ko, muchima wove kaweshi wakwoloka na Kalunga, unahase kuzundula livoko lyove? Kuhanjika, “Ngulombeleko.” Chosena chakwoloka, aha vene enu muli. Pamo eyite mokomoko teni mavoko anazunduka, kutonda keke ha myono yavo. Shimbu enu namupwa na mitwe yenu yakunongama, jino enu lombenu. Anuka, enu muli umwe kupihilila nakwalumuka. Nguli kaha nakumihula enu, nge Kalunga mwaya na keke. Oloze uze kamenga, Kalunga nanehe kuli enu chihela muwongo wenu; uze ikiye kamenga. Etu twafwelela kwiza kukamenga, punduvene, oloze echi kacha—echi kacheshi. . . Echi chosena chakwoloka. Oloze kamenga kove wamwenemwene ali kuze Kalunga akuliwana. Kaha Ikiye nakuwana ove haze vene unatwame. Echi chinapu kamenga kove.

²⁰⁹ Jino kuhanjika, “Kalunga, nguvwile keke, mukashili. Kaha kufuma likumbi lyalelo nakutwalilaho, kachi Ove muya nakungukafwa, Nanguya nakukuyoyela Ove. Nanguya—Nanguya nakukuzachila Ove. Kangwalizakaminako kala chuma chimwe mwahanjika, Nguli nakumifumisamo, chimene chino. Nguli nakulomba hano vene, kaha Ove mbata eyi shipilitu yaujimbalisa yamwaka nakuyifumisa muli yami. Ove mbata eyi matoto kufuma kuli yami. Ngunatachikiza Kangweshi kuhasa kulinga ngachizeko kaha kupwa wakwoloka na Kalunga. Kaha Nguli na chijindo mumuchima wami. Nguli na lwiso. Ngukwechi lisungu. Ngukwechi *echi*, *chize*. Fumisa echi, Kalunga. Kangwatonda kupwa nge ngachize. Ngulingise kupwa uyema, na kulikehesa, na kuvova. Ngulingise kupwa wautongwe. Ngulingise kupwa muthu Ngunahase kungalanya veka kuli Ove. Shikaho echa ngulinge chumachimwe cha Ove kusolwesa kusakwilila muchiyoyelo chami.” Chize chikiko kulomba ove jino, shimbu etu natulomba hamwe.

²¹⁰ Tata wa Mwilu, vakiko vanapu Vove. Vakiko vanapu mihako ya Mujimbu chimene chino. Vakiko kuzundula livoko lyavo. Chumachimwe chavalingishile kuli ngachize. Vakiko—vakiko kujilulula jishimbi ja kukoka chahamavu omwo vakiko navakatula mavoko avo. Kuze kwapwile shipilitu muli vakiko yahashile kusakula. Vakiko vemikanga mavoko avo, mangana vakiko vatambule Tengi Uze avalingishile vakiko.

²¹¹ Jino, Tata wa Mwilu, Ngwalombo nge Ove uyenga nakuvakisula, na kuvahana vakiko Kuyoya cha Hayamyaka, hano vene. Kakweshi chuma Ngunahase kulinga; kuvasanyika

kujingluka kamenga, kuvahaka mukapete keka, kulinga milimo yosena. Echi—echi cheji kumbata Ove kulinga echi, Mwata. Etu katweshi kuhasa kulinga cheka kuhambakana kunangula Lizu. Ove ngwove, “Lufwelelo nalwiza ha kwivwulila, kwivwulila cha Lizu, eli Lizu lya Kalunga.” Jino, etu vanatunangula eli Lizu, kaha vakiko vanazundula mavoko avo, nge vakiko vafwelela Echi. Jino kuvahana vakiko Kuyoya chahayamyaka, mwomwo Ove washikile Ove muya nakuchilinga. Kachi vakiko vapwile vakushishika mulivoko lyavo, vakiko navaya nakufuma muli ino zuvo chimene chino, kuyema, kuvova, Mukakulishitu wakulinyisa, mwomwo Ove washikile echi. Kaha Mazu Ove kaweshi kuhasa kuhonako. Ngwalombo echi mu Lijina lya Yesu Kulishitu. Amena.

Jino Nguli nakutala, kuvandamina na
kutwalilaho,
Mwomwo lize Mbongi ya Yowano amwene
kwiza nakushikumuka.

Muze mu Mbongi . . .

Kulifukula jino.

. . . mbongi yitoma ya Jipela,
Ngukwechi zuvo, muli kalyalya na muchama
Jino Nguli nakutala, kuvandamina na
kutwalilaho,
Mwomwo lize Mbongi ya Yowano amwene
kwiza nakushikumuka.

²¹² Ove kaweshi kuzanga kaha Ikiye ko? Ou mujimbu uli, jino. Echi chinapu kulifukula. Etu katwejile kuliuka na kwivwa mujimbu ko. Etu tuneza nakulifukula. kuvulyama kaha muthu unalihate nenyi. Lifukule kaha kuli Ikiye. Mamalelo, omwo chawaha! Omu chawaha! Mulweke Ikiye nge mu . . . Ove kawatela kumulweka Ikiye kutambakana. Mulweke kaha Ikiye mumichima yenu, “Ngwamizanga Ove, Mwata. Ngukonekele yami shili jami.” Mamaah, yami!


. . . mbongi yitoma ya Jipela,
Nguli na zuvo, kalyalya na muchama;
Jino Nguli nakutala, kuvandamina na
kutwalilaho,
Mwomwo Mbongi yakatoma Yowano amwene
kwiza nakushikumuka.

²¹³ Tata Kalunga Ketu, kumutambula. Etu tuli nakuvandamina, shimbu etu tuli na kwivwulila ha Lizu, kushimbula. “Michima yetu kukuvwila pwile Ove, nge kapaji kulaha kukalwiji. Myono yetu kukuvwila pwila Ove, Ove Kalunga.” Kuvandamina na kuvandamina, kuvandamina ola ize Yesu mwakeza, kuvandamina lwola luze etu navakatusanyika muutangatanga. Keshi kwimana kumeso a Mukakusopesa mukusopesa; vinahichi. Etu twafwanga kuvyuma vya kaye, kaha vengilile

muli Kulishitu, kaha Ikiye ambachile kusopesa chetu. Ikiye napu Attorney, ha chitwamo cha chiyulo. Akiswile Attorney, ha kwitavila chetu, Ikiye atulembelela mulonga wetu palanga etu tunatachikiza nge etu twa vakuzeneka kutela. Nge ndumbwetu wapwevo wamwaka chime echi, ambile ngwenyi muunjiho wenyi, kaha kuhaka ka ngwe kenyi, “Kufuma haze Ngwejile hano Ngwalinangwile nge Echi keshi kujila chamiko, chinapu kujila cha Kalunga.”

²¹⁴ Muchano vene, Mwata, etu tweji kunangulanga vathu, kakweshi chuma chamwaza muli muthu ko, keshi chuma chimweko. “Muthu chumamuka Ove weji kuzakaminanga?” Oloze linapu kaha likoiji lya Kalunga linasoloka kuli etu. Kaha etu twafwelela kaha mukuwaha Chenyi, keshi mukachi ketu. Kaha etu tweji kulifukula kuli Ove, Kalunga Wakujila wakulitulaho chikuma, mwomwo kuwaha Chove cha kuwaha, kutungisa etu mu Wangana Wenyi Waunene, musingolo Jove jainene. Etu twakutambula Ove mukachi kamichima yetu, ha lufwelelo. Kaha ha likoiji, etu twafwelela nge Ove unamuhane etu kupwa upahu wa Kalunga, kupwa hamulimo wa Kalunga.

²¹⁵ Jino, Mwata, hindula vakakuviza shimbu vakiko kwiza na kulombelela, chimene chino. Kuvahana vakiko kuwahilila, nge vakiko navaya nakupwa kanawa. Echa vakiko vatachikiza nge aka kakandende, kumunyika chakuyanda vachihakile hali ikiye, chapwile kaha lwola lwa kweseka chachindende. Kalunga atachikiza vyosena hali echi. Ikiye achilingile kumona chuma etu twatela kulinga. Omu Kalunga...Echa vakiko vayenga kuze etu natulinga nakulivuluka nge chakumu! Echa Enu... Echa vakiko vamusowangize Ove, ha kulahila *hano na haze*, kaha *kwingila na kulovoka nakuya*, “Chamwaza, Ngunahono kutachikiza *echi, chize*.”

²¹⁶ Mwata, echa vakiko vambate kwimana, nakuhanjika, “Mwata, Ove yove uze Umwe angulwilile yami. Ove yove uze Umwe angulingilile yami. Ngwafwelela Ove, kaha Ngunafwelela Ove, lelo.” Kaha Ngwalombo nge Ove uyenga naku hana ava vathu, mu Lijina lya Kulishitu. Amena. 

HEPELEU, KAPETULU WAMUCHITATU LVE57-0901M
(Hebrews, Chapter Three)

MIKANDA YA KULINUNGA YA HEPELEU

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo na chimene, Katundwe 1, 1957, ha Mbalaka ya Branham mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org